



CONSELLERÍA DE MEDIO AMBIENTE, TERRITORIO E INFRAESTRUTURAS

SECCIÓN 07

I. ESTRUCTURA ORGÁNICA E COMPETENCIAS

I.1. ESTRUCTURA ORGÁNICA

O Decreto 316/2009, do 4 de xuño, polo que se establece a estrutura orgánica da Consellería de Medio Ambiente, Territorio e Infraestruturas, regula no seu artigo 2, para o exercicio das súas funcións, a seguinte estrutura orgánica:

O/A Conselleiro/a.

A Secretaría Xeral (na actualidade, Secretaría Xeral Técnica)

A Secretaría Xeral de Ordenación do Territorio e Urbanismo.

A Secretaría Xeral de Calidade e Avaliación Ambiental.

A Dirección Xeral de Mobilidade.

A Dirección Xeral de Sostibilidade e Paisaxe.

Ademais, quedan adscritos á consellería:

O ente consorcial Axencia de Protección da Legalidade Urbanística (APLU).

A Axencia Galega de Infraestruturas.

A entidade pública empresarial Augas de Galicia.

O organismo autónomo Instituto Galego da Vivenda e Solo (IGVS).

A sociedade pública Sociedade Galega do Medio Ambiente (SOGAMA).

O Centro de Extensión Universitaria e Divulgación Ambiental de Galicia (CEIDA).

Así mesmo, ascríbense os seguintes órganos colexiados:

O Consello Galego de Medio Ambiente e Desenvolvemento Sostible.

A Comisión Superior de Urbanismo de Galicia.

A Comisión de Coordinación de Sistemas de Información Xeográfica e Cartográfica.

O Consello Galego de Transportes.

O Xurado de Expropiación de Galicia.

1.2. COMPETENCIAS

A Consellería de Medio Ambiente, Territorio e Infraestruturas é o órgano de administración da comunidade autónoma ao cal lle corresponden as competencias e funcións en materia de medio ambiente, ordenación do territorio e urbanismo, vivenda e solo, infraestruturas e mobilidade, consonte o establecido no EAG, nos termos sinalados na Constitución Española, e que exercerá, no nivel de desenvolvemento que se indica no seu decreto de estrutura orgánica, para cada un dos órganos integrantes deste departamento.

A acción política da Consellería de Medio Ambiente, Territorio e Infraestruturas guíase pola idea fundamental de que o territorio é o principal activo de que dispón a nosa sociedade. Un activo que ten algo máis que un valor económico de uso, que non é só un recurso de explotación económica, senón que é o contorno no que os seres humanos desenvolven a súa vida, xerando, polo tanto, con el, unha relación de identidade, unha relación emocional que nos obriga a protexelo, a ordenar con mimo o seu uso e a transferilo, se é posible, en mellores condicións das que nós o temos herdado.

A política territorial para Galicia abordará de xeito global o desenvolvemento dun territorio ordenado, buscando fortalecer 3 tipos de relacións: a necesaria interrelación entre as cidades, a vinculación entre o medio rural, o ámbito periurbano e o mundo urbano, e a coordinación entre as administracións municipais, supramunicipais e autonómica. Deste xeito poderemos planificar e ordenar con criterios de sostibilidade ambiental, económica e social os usos do territorio e os investimentos en infraestruturas.

Para que o sistema territorial cumpra a súa función é preciso que as infraestruturas e o transporte artellen axeitadamente o territorio unindo o sistema de cidades, permitindo as comunicacións dentro das áreas metropolitanas e das rexións urbanas, conformando eixes de comunicación entre as grandes cidades e as cidades intermedias e facilitando o acceso ao medio non urbano. Todo iso, para que as cidades desenvolvan a súa potencialidade para espallar a innovación polo territorio, contribuíndo a xerar actividade económica e mellorando a calidade de vida.

No que respecta á materia de medio ambiente, continuarase coa orientación ambiental baseada na introdución de melloras na xestión, programación e planificación, para o que se van seguir empregando métodos de traballo dinámicos que comporten unha maior implicación social, empresarial e institucional.

1.2.1. DA CONSELLERÍA

A Secretaría Xeral Técnica da consellería exercerá as funcións e competencias establecidas

no artigo 29 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, en relación coas diferentes unidades e servizos en que se estrutura a consellería, así como aquelas previstas na normativa aplicable ou mesmo as que lle sexan delegadas ou encomendadas pola persoa titular da consellería, de acordo coa Orde do 9 de xullo de 2009 sobre delegación de competencias no secretario xeral e noutros órganos da consellería.

A Secretaría Xeral de Ordenación do Territorio e Urbanismo exercerá as funcións inherentes á dirección, planificación, impulso, xestión e coordinación das competencias en materia de urbanismo e ordenación do territorio, así como os informes na zona de servidume de protección do dominio público marítimo-terrestre e no solo rústico, que ten atribuídas a consellería.

A Secretaría Xeral de Calidade e Avaliación Ambiental, considerando a evidencia de que o medio ambiente resulta un elemento fundamental para o desenvolvemento económico e social da nosa comunidade autónoma, exercerá as súas actuacións en materia de avaliación e control da incidencia que sobre o medio ambiente provoque a actividade humana, o fomento de sistemas e estratexias de corrección de dita incidencia, a avaliación dos efectos de determinados plans e programas no ambiente, o impulso da investigación ambiental e o desenvolvemento tecnolóxico e a súa posta en marcha, para o logro da axeitada protección ambiental, buscando que o mencionado desenvolvemento económico e social avance na senda da sostibilidade.

A Dirección Xeral de Mobilidade, no ámbito competencial da comunidade autónoma, exerce, entre outras, as seguintes funcións: planificación, coordinación, seguimento e execución da política xeral de transportes; promoción da investigación sobre transporte, loxística e mobilidade; ordenación do transporte terrestre, por cable e marítimo; planificación e execución das políticas de control e inspección dos diversos modos de transporte; programación e execución de investimentos, obras e instalacións de transportes.

A Dirección Xeral de Sostibilidade e Paisaxe exerce as funcións, en materia de medio ambiente, de planificación, fomento e participación do concepto de sostibilidade así como a protección e ordenación do paisaxe e territorio de Galicia. Especial incidencia ten o labor no deseño dos catálogos da paisaxe, o desenrolo da lei da paisaxe e de forma concreta a tramitación e seguimento do Plan do Litoral e das Directrices de Ordenación do Territorio.

Por outro lado, a Lei 6/2007, do 11 de maio, de medidas urxentes en materia de ordenación do territorio e do litoral de Galicia, no seu artigo 9, crea e regula o Instituto de Estudos do Territorio como organismo autónomo de carácter administrativo que ten por obxecto o análise, o estudo e o asesoramento en materia de urbanismo e ordenación do territorio, adscrito á consellería cometerte en materia de urbanismo e ordenación do territorio.

A materialización de dito mandato legal suporá a conversión da Dirección de Sostibilidade e Paisaxe nun organismo autónomo, o cal asumirá as competencias e funcións atribuídas á dirección xeral así como as funcións establecidas no artigo 10 da citada Lei, subrogándose o novo

ente nos dereitos e obrigas desta, dende a súa posta en funcionamento, feito que se producirá co nomeamento do seu director xeral.

O Xurado de Expropiación de Galicia foi creado no artigo 232 da Lei 9/2002, do 30 de decembro, de ordenación urbanística e protección do medio rural de Galicia, como órgano colexiado permanente da comunidade autónoma especializado nos procedementos para a fixación do prezo xusto na expropiación forzosa, cando a administración expropiante sexa a comunidade autónoma ou as entidades locais do seu ámbito territorial. A súa composición foi regulada polo artigo 7.2 da Lei 15/2004, do 29 de decembro, de modificación da Lei 9/2002, do 30 de decembro, e o seu funcionamento polo regulamento de organización e funcionamento, aprobado polo Decreto 223/2005, do 16 de xuño, que establece a súa organización e funcionamento.

Os Reais decretos polos que se aprobaron os traspasos de funcións e servizos nas materias da actual competencia da consellería son os seguintes:

1) Medio ambiente e territorio: Real decreto 3564/1983, do 5 de outubro, sobre traspaso de funcións e servizos do Estado á Comunidade Autónoma de Galicia en materia de estudos de ordenación do territorio e medio ambiente. Funcións asumidas e asignadas polo Decreto 53/1984, do 23 de marzo.

Real decreto 971/1984, do 28 de marzo, sobre traspaso de funcións e servizos do Estado á Comunidade Autónoma de Galicia en materia de medio ambiente. Funcións asumidas e asignadas polo Decreto 116/1984, do 29 de xuño.

Real decreto 659/1985, do 17 de abril, sobre traspaso de funcións e servizos do Estado á Comunidade Autónoma de Galicia en materia de ordenación do litoral e vertidos ao mar. Funcións asumidas e asignadas polo Decreto 252/1985, do 28 de novembro.

2) Urbanismo: Real decreto 212/1979, do 26 de xaneiro, transfire á Xunta todas as competencias atribuídas á Administración do Estado pola lei sobre réxime do solo, ordenación urbana e disposicións regulamentarias, no que afecte ao ámbito territorial da Xunta. Asumidas e asignadas polo Decreto 5/1979, do 22 de febreiro, as funcións e servizos son traspasadas polo Real decreto 2424/1982, do 24 de xullo, e asumidas e asignadas polo Decreto 130/1982, do 4 de novembro. Tales competencias comprenden todas as relativas ás ordes normativa, organizativa, resolutiva, consultiva e de calquera outro xénero atribuídas á Administración do Estado polas disposicións vixentes nas citadas materias.

3) Transporte: Real decreto 212/1979, do 26 de xaneiro, transfire competencias en materia de transporte, relativas á concesión, autorización, explotación e inspección dos servizos de transporte por estrada e cable, do establecemento e explotación das estacións de vehículos públicos de viaxeiros e mercadorías, sobre establecemento e organización dos ferrocarrís e tranvías cando non teñan ámbito nacional e non estean integradas en Renfe. O Decreto 5/1979, do 22 de febreiro, asume e asigna estas competencias á entón Consellería de Ordenación do Territorio.

4) Inspección e sanción dos servizos de transporte: Real decreto 2299/1982, do 24 de xullo, transfire á comunidade autónoma funcións e servizos en materia de inspección e sanción do transporte por estrada e trolebús, afectos ás competencias que lles corresponden, asumidas e asignadas polo Decreto 129/1982, do 4 de novembro.

5) Transporte marítimo: Real decreto 1641/1996, do 5 de xullo, dispón o traspaso de funcións e servizos relativos a actividades de transporte marítimo que se realiza exclusivamente entre portos ou puntos da comunidade, sen conexión con portos doutros ámbitos territoriais. Asumidas e asignadas á Consellería de Política Territorial por Decreto 338/1996, do 13 de setembro.

I.2.2. DOS ORGANISMOS AUTÓNOMOS

INSTITUTO GALEGO DA VIVENDA E SOLO (IGVS)

A Lei 16/2010, do 17 de decembro, de organización e funcionamento da Administración xeral e do sector público autonómico de Galicia, define os organismos autónomos como entidades públicas instrumentais cuxa organización e funcionamento se regulan polo dereito administrativo, e que se someten a dereito privado só naqueles casos nos que corresponda de acordo coa normativa xeral ou sectorial aplicable.

Adscrito á Consellería de Medio Ambiente, Territorio e Infraestruturas, con natureza de organismo autónomo figura:

O Instituto Galego da Vivenda e Solo (IGVS), organismo autónomo creado pola Lei 3/1988, do 27 de abril, ao que lle corresponde a realización da política de solo e vivenda da Xunta de Galicia. O IGVS adscíbese á Consellería de Medio Ambiente, Territorio e Infraestruturas, segundo o Decreto 316/2009, do 4 de xuño, polo que se establece a estrutura orgánica da citada consellería.

O Instituto Galego da Vivenda e Solo exerce as competencias e funcións que a continuación se indican:

- En xeral correspóndenlle as competencias e funcións en materia de política de vivenda, favorecendo o acceso dos cidadáns ao dereito, constitucionalmente garantido, dunha vivenda digna e adecuada.
- O fomento das actuacións de rehabilitación do patrimonio e arquitectónico en materia de vivenda tanto rural como urbana.
- A creación de solo residencial e de equipamentos acorde coas necesidades de asentamento da poboación.
- Complementariamente correspóndelle ao IGVS, a través dos seus órganos, dentro do marco da normativa de ordenación do territorio e a urbanística, o establecemento da política de solos de carácter produtivo, tales como o industrial, o comercial ou tecnolóxico e, en xeral, os que incidan na mellora da habitabilidade do territorio da comunidade

autónoma, baseando aquela no principio de sostibilidade, en colaboración coa política de solos sectoriais específicos desenvolta por outros departamentos ou administracións en Galicia.

- A tramitación de plans e proxectos sectoriais abeirados no acordo do Consello da Xunta do 26 de maio de 2006 e do 6 de setembro de 2007, e na disposición adicional 2ª da Lei 6/2007, do 11 de maio, de medidas urxentes en materia de ordenación do territorio e do litoral de Galicia.

Estas competencias e funcións relacionadas de xeito xenérico son consecuencia de sucesivas transferencias, que de seguido tamén se relacionan:

- Patrimonio arquitectónico, control de calidade na edificación e vivenda: o Real decreto 1926/1985, do 11 de setembro, dispón o traspaso de funcións e servizos na materia. A asunción e asignación lévase a cabo mediante Decreto 230/1985, do 24 de outubro.
- Sociedade estatal de promoción e equipamento do solo (SEPES): polo Real decreto 213/1986, do 10 de xaneiro, foron traspasadas á comunidade autónoma as participacións accionariais, e as funcións inherentes ás mesmas, que SEPES ostentaba en Xestur Coruña, Xestur Lugo e Solo Urbano de Pontevedra.
- Real decreto 2498/1983, do 20 de xullo, sobre traspaso de funcións e servizos do Estado á Comunidade Autónoma de Galicia en materia de vivenda rural. Funcións asumidas e asignadas polo Decreto 152/1983, do 11 de outubro.
- Real decreto 1461/1989, do 1 de decembro, sobre ampliación de medios adscritos aos servizos da administración do Estado traspasados á Comunidade Autónoma de Galicia en materia de patrimonio arquitectónico, control da calidade da edificación e vivenda.

1.2.3. DAS AXENCIAS PÚBLICAS AUTONÓMICAS

AXENCIA GALEGA DE INFRAESTRUTURAS

Segundo o disposto no artigo 74 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, son axencias públicas autonómicas, aquelas que, para o cumprimento dos programas específicos correspondentes a políticas públicas da Administración xeral da Comunidade Autónoma de Galicia, se lles encomenda a realización de actividades en réxime de descentralización funcional e xestión por obxectivos

Na Consellería de Medio Ambiente, Territorio e Infraestruturas con esta natureza, figura a Axencia Galega de Infraestruturas. A Lei 16/2010, do 17 de decembro, na súa disposición adicional cuarta, outorgou autorización ao Consello da Xunta de Galicia para a creación da Axencia Galega de Infraestruturas, adscrita á consellería competente en materia de infraestruturas.

A axencia asume as competencias atribuídas á Dirección xeral de Infraestruturas e aos servizos de infraestruturas das xefaturas territoriais, órganos que se suprimen, subrogándose o novo ente nos dereitos e obrigas derivados das competencias, dende a súa posta en funcionamento.

Os obxectivos básicos da Axencia Galega de Infraestruturas son impulsar, coordinar e xestionar a política autonómica en materia de estradas: Para tales efectos, correspóndelle á axencia planificar, proxectar, construír, conservar e explotar as estradas que sexan de competencia da Comunidade Autónoma de Galicia, así como os servizos que se poidan instalar ou desenvolver nas ditas infraestruturas. Ademais, fíxase como obxectivo garantir o uso e defensa do patrimonio viario.

A axencia poderá, directamente ou a través de sociedades adscritas ou sobre as que teña atribuída a súa tutela funcional, planificar, proxectar, construír, conservar e explotar outras infraestruturas, en virtude das encomendas ou encargos que reciba dos órganos ou entidades competentes.

O Real decreto polo que se aprobaron os traspasos de funcións e servizos en materia de estradas é o seguinte:

O Real decreto 3317/1982, do 24 de xullo, modificado polo 2708/1983, do 21 de setembro, traspasa funcións e servizos do Estado en materia de estradas relativas á titularidade e xestión destas, así como as competencias que a Lei de Estradas de 1974 atribúe ao Ministerio de Obras Públicas en relación coas estradas provinciais e municipais. Competencias asumidas e asignadas a esta consellería polo Decreto da Xunta de Galicia 156/1982, do 15 de decembro.

A maiores, a Axencia Galega de Infraestruturas exercerá a tutela funcional da Sociedade Pública de Investimentos de Galicia, S.A., sociedade mercantil adscrita á mesma.

1.2.4. DAS ENTIDADES PÚBLICAS EMPRESARIAIS

AUGAS DE GALICIA

A Lei 16/2010, do 17 de decembro, de organización e funcionamento da Administración xeral e do sector público autonómico de Galicia, define as entidades públicas empresariais como entes instrumentais aos que se lles encomenda a realización, con criterios de xestión empresarial, de actividades prestacionais, de xestión de servizos públicos ou de produción de bens de interese públicos susceptibles de contraprestación.

Na Consellería de Medio Ambiente, Territorio e Infraestruturas está adscrita, con natureza de entidade pública empresarial, a entidade Augas de Galicia. A Lei 9/2010, do 4 de novembro, de augas de Galicia, no seu artigo 8, crea e regula a entidade pública Augas de Galicia con personalidade xurídica propia e plena capacidade de obrar para o cumprimento dos seus fins e das competencias reguladas por esta Lei, e adscríbea á consellería competente en materia de augas.

O artigo 11 da Lei 9/2010 encoméndalle a Augas de Galicia:

1. No eido da xestión das concas intra comunitarias, as competencias que o ordenamento xurídico vixente en materia de augas atribúe aos organismos de conca, así como as que especificamente se regulen na presente lei e no resto do ordenamento xurídico de aplicación.
2. Con relación ás concas inter comunitarias, a participación na planificación hidrolóxica, así como a representación da Comunidade Autónoma de Galicia nos organismos de conca do Estado na forma que fixe o ordenamento xurídico de aplicación.
3. No eido das obras hidráulicas:
 - A planificación, programación, proxecto, construción e explotación de obras hidráulicas declaradas de interese da Comunidade Autónoma de Galicia polo Consello da Xunta.
 - A promoción ante a Administración xeral do Estado da declaración de obras de interese xeral desta.
 - A redacción de proxectos, construción e explotación de obras de interese xeral do Estado nas condicións que fixen os correspondentes convenios que terán de subscribirse entre Augas de Galicia e o órgano competente da Administración xeral do Estado.
 - A participación na construción e explotación das obras hidráulicas de competencia das entidades locais galegas na forma regulada pola presente lei.
4. No eido da planificación territorial e urbanística, corresponde a Augas de Galicia a emisión de informe con anterioridade á aprobación inicial dos instrumentos de ordenación territorial e dos plans xerais de ordenación urbana. Igualmente, terán que someterse a informe de Augas de Galicia a aprobación e modificación dos plans parciais e especiais que conteñan determinacións có mesmo obxecto que os plans regulados pola Lei 9/2010.
5. En materia de abastecemento e saneamento de augas:
 - A ordenación dos servizos de abastecemento e saneamento en alta.
 - A elaboración dos plans xerais galegos de abastecemento e saneamento de acordo co previsto na Lei 9/2010, os cales conterán os criterios para a coordinación das actuacións das entidades locais competentes en materia de abastecemento e saneamento.
 - A promoción da constitución de consorcios e mancomunidades para a mellor prestación dos servizos de abastecemento e saneamento.
6. En materia de vertidos:
 - A autorización e control dos vertidos de augas urbanas ou industriais ao dominio público hidráulico, así como da eventual reutilización dos efluentes, e, en xeral, as demais funcións que a lexislación atribúe aos organismos de conca.
 - A autorización das obras e instalacións de vertidos desde terra ás augas do litoral galego e o exercicio das funcións de policía sobre os mesmos.
7. A elaboración e proposta á consellería competente en materia de augas das normas que sexan necesarias para o desenvolvemento da presente lei para a súa posterior elevación, de selo caso, ao Consello da Xunta e o exercicio das actuacións que legal ou regulamentariamente lle sexan atribuídas.

8. En materia tributaria, actuar como suxeito activo con relación á aplicación dos tributos en materia de augas regulados na presente lei conforme á normativa vixente.
- Os reais decretos polos que se aprobaron os traspasos de funcións e servizos nas materias do ente son os seguintes:
 - Real decreto 1870/1985, do 11 de setembro, sobre traspaso de funcións e servizos do Estado á Comunidade Autónoma de Galicia en materia de abastecemento de auga, saneamento, encauzamento e defensa de marxes. Funcións asumidas e asignadas polo Decreto 253/1985, do 17 de outubro.
 - Real decreto 2792/1986, do 30 de decembro, sobre traspaso de funcións e servizos do Estado á Comunidade Autónoma de Galicia en materia de obras hidráulicas. Funcións asumidas e asignadas polo Decreto 24/1987, do 29 de xaneiro.

I.2.5. DOS CONSORCIOS AUTONÓMICOS

O artigo 95 da Lei 16/2010, do 17 de decembro, habilita á Administración xeral da Comunidade Autónoma de Galicia para constituír, mediante convenio, consorcios con outras administracións públicas para a xestión de servizos da súa competencia ou para a consecución de fins de interese común, así como con entidades privadas sen ánimo de lucro que persigan fins de interese público concorrente cos da Xunta de Galicia, para a realización destes.

Na Consellería de Medio Ambiente, Territorio e Infraestruturas figuran adscritas as seguintes entidades con natureza de consorcio:

AXENCIA DE PROTECCIÓN DA LEGALIDADE URBANÍSTICA (APLU)

O ente público consorcial encárgase de mellorar a vixilancia e inspección do territorio e a protección do litoral coa finalidade de velar polo cumprimento da legalidade, previndo e combatendo as infraccións en materia de urbanismo e de costas.

En concreto, as funcións que ten encomendadas enuméranse do seguinte xeito:

- A inspección e vixilancia urbanística.
- A acción de reposición da legalidade urbanística nos supostos de:
 - Obras realizadas sen licenza urbanística en terreos cualificados como zonas verdes, espazos libres, dotacións ou equipamentos públicos.
 - Obras realizadas en solo rústico sen a preceptiva autorización urbanística autonómica ou incumprindo as súas condicións.
 - Obras e usos prohibidos en solo rústico.
 - Obras executadas sen licenza urbanística municipal constitutivas de infracción urbanística.

ca grave ou moi grave, só no caso de que o concello non exerza as súas competencias.

- O exercicio da potestade sancionadora:
 - Por infraccións urbanísticas moi graves.
 - Por infraccións urbanísticas graves cometidas en solo rústico sen a preceptiva autorización autonómica ou incumprindo as súas condicións.
- O exercicio das potestades delegadas polos concellos integrados na axencia.
- A impugnación das licenzas urbanísticas ilegais.
- O exercicio da potestade sancionadora e de reposición da legalidade por actuacións contrarias á Lei de costas, realizadas na zona de servidume de protección do dominio público marítimo-terrestre.
- O asesoramento ás administracións públicas integradas na axencia.
- E en xeral, calquera outra competencia que en materia de disciplina urbanística lle corresponda exercer á comunidade autónoma.

O CENTRO DE EXTENSIÓN UNIVERSITARIA E DIVULGACIÓN AMBIENTAL DE GALICIA (CEIDA)

É froito dun convenio de colaboración entre a Consellería de Medio Ambiente, Territorio e Infraestruturas , o Concello de Oleiros e a Universidade da Coruña, para coordinar, dinamizar e promover a educación ambiental en Galicia, en todos os sectores sociais, así como o intercambio científico e cultural, traballando na procura de solucións aos problemas ambientais, e fomentando as boas prácticas cidadáns neste eido.

1.2.6. SOCIEDADES MERCANTÍS PÚBLICAS AUTONÓMICAS

A Lei 16/2010, do 17 de decembro, de organización e funcionamento da Administración xeral e do sector público autonómico de Galicia, define as sociedades públicas autonómicas como sociedades mercantís, calquera que sexa a forma que adopten, en cuxo capital social sexa maioritaria a participación directa ou indirecta da Administración xeral da Comunidade Autónoma de Galicia e das entidades instrumentais reguladas nesta lei.

Na Consellería de Medio Ambiente, Territorio e Infraestruturas están adscritas as sociedades públicas autonómicas de seguido relacionadas con natureza de sociedade anónima mercantil:

SOCIEDADES DE XESTIÓN URBANÍSTICA (XESTUR)

A comunidade autónoma, a través do Instituto Galego da Vivenda e Solo, ten participación maioritaria nas seguintes empresas constituídas como sociedades anónimas baixo o título xenérico de Xestur:

Xestur A Coruña, S.A.

Xestur Lugo, S.A.

Xestur Ourense, S.A.

Xestur Pontevedra, S.A.

O Consello da Xunta de Galicia, na sesión celebrada o día 3 de xullo de 2008, aprobou o Decreto 167/2008, polo que se declaran medio propio instrumental e servizo técnico da Administración xeral da Xunta de Galicia as catro sociedades anónimas de Xestión Urbanística de Galicia, e se aproba a modificación dos seus estatutos.

Segundo a nova regulación, o obxecto social das catro Xestures ven constituído pola realización de actividades dirixidas á promoción e xestión do solo empresarial, residencial e construción de edificacións no territorio de Galicia. O desenvolvemento destas actividades ten por finalidade garantir a utilización do solo de acordo co interese xeral e dotar a Galicia de solo suficiente para a localización de industrias e a implantación de actividades económicas que favorezan o desenvolvemento socioeconómico e a promoción de emprego así como de solo para a construción de vivendas dignas e adecuadas, especialmente, aos sectores con menos capacidade económica, actuando como elemento de regulación do mercado inmobiliario e de mellora da calidade ambiental.

Ás sociedades citadas débese engadir, como instrumento de execución dos compromisos da administración estatal do Plan Sectorial de Parques Empresariais, a sociedade Suelo Empresarial del Atlántico, S.L., participada polo IGVS, e que terá por finalidade a execución do solo industrial derivado do dito plan.

SOCIEDADE GALEGA DO MEDIO AMBIENTE, S.A (SOGAMA)

Foi creada por Decreto 111/1992, do 11 de abril, coma unha Sociedade Pública autonómica dependente da consellería competente en materia de residuos, ten encomendadas entre as súas funcións a xestión dos residuos urbanos a partir de que son depositados nas estacións de transferencia ou plantas de tratamento previstas no plan de xestión de residuos urbanos, coas conseguíntes operacións de transporte, almacenamento, valorización, tratamento, comercialización e depósito controlado dos residuos.

A escritura de constitución da sociedade é de 14 de maio de 1992 sendo o seu obxecto social o seguinte:

Todas as actividades relacionadas co deseño, construción, explotación e mantemento de instalación de transferencia, tratamento, eliminación e, en xeral, xestión de todo tipo de residuos

engadida a recollida e transporte e reciclaxe.

O estudo, desenvolvemento e implantación de tecnoloxías, proxectos e instalación encaixados á obtención de enerxía a partir de fontes alternativas que cooperen á preservación do medio ambiente.

A realización de todo tipo de traballos, obras, plans, estudos, informes, investigación, proxectos, auditorías, consultorías, asistencias técnicas e servizos profesionais relacionados coa protección, conservación, limpeza, recuperación, rexeneración, descontaminación ou mellora do medio ambiente, así coma a xestión de todo tipo de servizos en materia medioambiental. Ditas actividades incluírán, en particular, as materias seguintes:

- Descontaminación de solos.
- Aproveitamento de recursos forestais para a produción de biomasa.
- Adecuación, selado, clausura e rexeneración de vertedoiros de residuos.

SOCIEDADE PÚBLICA DE INVESTIMENTOS DE GALICIA, S.A. (SPI GALICIA, S.A.)

Foi creada mediante Decreto 56/1997, do 6 de marzo, e adscrita á Consellería de Medio Ambiente, Territorio e Infraestruturas, ten por obxecto proxectar, construír, conservar e explotar, por ela mesma, por terceiras persoas ou en calidade de concesionaria, actuando por encargo do Consello da Xunta, en nome propio ou por conta e mandato da Xunta de Galicia, segundo os termos dos encargos e os mandatos de actuacións, toda clase de infraestruturas que a Xunta promova ou participe, e tamén os servizos que se poidan instalar ou desenvolver en ditas infraestruturas. A súa actividade comprende tamén, previa autorización do Consello da Xunta, a promoción e execución de actividades urbanísticas e inmobiliarias, adquisición e alienación de toda clase de bens inmobles, xestión e realización das obras e dotación de servizos e a súa posible explotación.

A sociedade tamén ten por obxecto a realización daquelas actividades de conservación e explotación do treito Alto de Santo Domingo-A52 (AG-53 e AG-54) da autoestrada Santiago de Compostela-Ourense que se lle establezan regulamentariamente.

Forman parte do seu obxecto social as actividades dirixidas á explotación das áreas de servizo, centros de transporte e aparcadoiros e calquera outra actividade directa ou indirectamente relacionada coa súa conservación e explotación, sempre que se encontren dentro da área de influencia do treito Alto de Santo Domingo-A52 (AG-53 e AG-54) da autoestrada Santiago de Compostela-Ourense, así como as actividades que sexan complementarias da construción, conservación e explotación deste.

II. PRINCIPAIS LIÑAS DE ACCIÓN PARA O ANO 2012

II.1. DA CONSELLERÍA

SECRETARÍA XERAL TÉCNICA

Os orzamentos da Secretaría Xeral Técnica da Consellería de Medio Ambiente, Territorio e Infraestruturas, baséanse nos criterios de austeridade e economía que deben inspirar a actuación e a organización administrativa, coa finalidade de dar cumprida resposta ás liñas básicas da súa actuación, que son as seguintes:

- A coordinación do réxime interno das actividades do resto dos centros directivos da consellería, así como das xefaturas territoriais, elaborando propostas de actuación sobre aspectos relativos á organización, estruturación, métodos de traballo e mellora, atendendo a criterios de eficacia, eficiencia e redución do gasto público.
- A ordenación, xestión e administración ordinaria dos asuntos relativos ao persoal da consellería, introducindo unha maior racionalidade no desenvolvemento competencial e de xestión das súas funcións.
- Apoiar aos restantes centros directivos na progresiva implantación de novas tecnoloxías de información (TIC), que proporcionen ferramentas eficaces para facilitar o aforro de tempo e costes que permitan acadar unha mellora na calidade e eficiencia na prestación dos servizos públicos que se prestan á cidadanía da nosa comunidade.

SECRETARÍA XERAL DE ORDENACIÓN DO TERRITORIO E URBANISMO

- a) A materialización e posta en práctica da política territorial e de utilización racional do solo, coa finalidade de favorecer o desenvolvemento equilibrado e sustentable do territorio; contribuír a elevar a calidade de vida e a cohesión social da poboación e protexer e potenciar o patrimonio natural e cultural, sen prexuízo das competencias atribuídas a outros órganos, e o exercicio das funcións que a Lei 9/2002, do 30 de decembro, de ordenación urbanística e protección do medio rural de Galicia, lle atribúe á persoa titular do centro directivo competente en materia de urbanismo.
- b) O fomento da formación, da investigación e a elaboración e da participación cidadá na formulación, tramitación e xestión do planeamento territorial e urbanístico. A divulgación de estudos e proxectos en materia de urbanismo. O seguimento e control da actividade urbanística, sen prexuízo das competencias dos municipios.
- c) A elaboración de proxectos e anteprojectos de disposicións normativas en materia de urbanismo.
- d) A preparación de informes que, conforme á lexislación de carácter sectorial, lle corresponda emitir ao órgano autonómico competente en materia de ordenación do territorio e urbanismo.

- e) A análise e proposta de informe dos expedientes de solicitude de autorización de execución de grandes establecementos comerciais sobre a súa adaptación ao planeamento vixente e en tramitación, para a posta en coñecemento da súa viabilidade á Comisión Consultiva de Equipamentos Comerciais.
- f) A realización de apoio técnico e económico e a colaboración coas entidades locais para a formulación e tramitación do planeamento urbanístico, a súa xestión e execución e o seu seguimento, arquivo e rexistro, mediante un plan de axudas públicas.
- g) Execución dun programa de axudas económicas e de asesoramento técnico encamiñadas á materialización do Planeamento Urbanístico Municipal, coa finalidade de facilitar a elaboración e tramitación dos plans de ordenación municipal e, polo tanto, o desenvolvemento sostible do noso territorio.
- h) A realización de actuacións de mellora de contornos urbanos, de accesibilidade e supresión de barreiras arquitectónicas e de equipamentos públicos que teñan por finalidade a revitalización do territorio e o reequilibrio territorial, para a posta en valor do plan HURBE.

Realizaranse unha serie de actuación en zonas de especial valor en espazos de relación pública, co fin de contribuír ao desenvolvemento local desas zonas e poñer a disposición dos seus habitantes os valores de ditos espazos. Trátase de preservar, conservar e/ou transformar, segundo o caso, determinados espazos urbanos, a través de medidas puntuais e específicas para cada zona para a creación de riqueza e, en consecuencia, contribúan a unha maior calidade de vida dos seus cidadáns. As actuacións realizaranse coa colaboración dos concellos, xa que son as administracións máis próximas ao territorio e aos cidadáns, mediante o desenvolvemento dos programas de equipamentos públicos, de humanización de rúas e de urbanización e mellora de espazos públicos, para dar cobertura ás necesidades da cidadanía.

O obxectivo é que, ata o ano 2014, o 40 % dos concellos de Galicia sexan beneficiarios dunha axuda.

SECRETARÍA XERAL DE CALIDADE E AVALIACIÓN AMBIENTAL

En materia de medio ambiente:

As actuacións da consellería neste ano céntranse en dous eixes fundamentais:

Dar continuidade á progresiva consecución do Plan de xestión de residuos urbanos de Galicia 2010-2020, respostando de xeito decidido ás demandas comunitarias en materia de prevención da xeración de residuos e á promoción da reutilización, reciclaxe e recuperación dos xerados, co fin de acadar un modelo de xestión sostible, que reduza o seu impacto ambiental.

As actuacións neste eido irán dirixidas a:

- Fomentar a recollida selectiva en orixe como estratexia para obter materiais de calidade que teñan saída no mercado da reciclaxe, cun apoio específico á xestión e recollida en orixe da fracción orgánica dos residuos urbanos.
- Incorporar o factor humano nas actuacións de xestión de residuos, maximizando a implicación, así como os coñecementos tanto da poboación como dos xestores.
- Seguir avanzando na dotación á comunidade autónoma dos equipamentos, sistemas e infraestruturas necesarias que garantan unha axeitada xestión de residuos no noso territorio, apostando pola autosuficiencia territorial, reducindo os custos de transporte.
- A consecución duns niveis óptimos de investigación e observación ambiental, mediante a ampliación da rede de observación ambiental e a posta en marcha de programas de investigación que conduzan á mellora da capacidade predictiva dos riscos naturais, e o seguimento do Programa Marco de Cambio Climático.

No ano 2012, as actuacións centraranse en:

- Consolidar a rede de seguimento do estado ecolóxico das augas de Galicia.
- Potenciar a rede de observación do territorio de Galicia.
- Impulsar a investigación en materia de prevención de riscos naturais.
- Potenciar e promover o cumprimento das medidas propostas polos distintos departamentos da Xunta, ao abeiro do mencionado Programa Marco de Cambio Climático.

DIRECCIÓN XERAL DE MOBILIDADE

O transporte de viaxeiros e mercadorías en Galicia é un sector económico dunha enorme importancia estratéxica para a industria, o comercio e a mobilidade das persoas. En Galicia fórmulanse múltiples retos que requiren do transporte para ser superados. A distancia dos mercados, o poboamento disperso, a demanda de accesibilidade, a fragilidade do medio natural, etc. son cuestións que condicionan e dificultan a forma en que se ofertan os servizos de transporte a persoas e mercadorías.

A coñecida relación entre o transporte e a actividade económica, pola que ámbalas dúas materias teñen un comportamento sensiblemente paralelo, fai que o sector do transporte resulte especialmente vulnerable nestes momentos de crise económica.

Esta situación demanda accións dirixidas tanto ao mantemento da competitividade das empresas de transporte, para o que é esencial a do propio sistema loxístico, como a facilitar a mobilidade das persoas e mercadorías, para o que é preciso a actuación pública nos servizos de transporte.

As accións contempladas no programa 5 I 2A, Ordenación e Inspección do Transporte, van dirixidas, por tanto, ao sector do transporte de mercadorías e de persoas, configurados por máis de 20.000 empresas e nos que desenvolven de xeito directo a súa actividade laboral máis de 42.000 traballadores. Igualmente, este programa prevé actuacións dirixidas ao público en xeral, como usuario do sistema de transporte público.

No eido dirixido ao ámbito profesional, a administración estima esencial actuar en ámbitos dirixidos á mellora da competitividade do sector empresarial, tanto de mercadorías como de viaxeiros, fomentando a realización de accións formativas, facilitando a renovación do tecido empresarial, facilitando o cumprimento da normativa sectorial (por exemplo, relativa aos períodos de descanso dos condutores) e poñendo en marcha as accións do plan de modernización das concesións de transportes públicos de viaxeiros, entre outras actuacións.

Por outra parte, tamén é preciso seguir impulsando a mellora da oferta de transporte público en Galicia. Nesta liña, continuarase coa implantación do Plan de Transporte Metropolitano de Galicia nas 7 principais aglomeracións urbanas de Galicia. Estas actuacións veranse complementadas co inicio de accións piloto dirixidas ás comarcas e zonas rurais, como garantía da mobilidade no interior da comunidade autónoma. A progresiva posta en marcha das accións dirixidas á modernización do transporte público de viaxeiros no conxunto do territorio, xunto con estas actuacións, espéranse que contribúan á potenciación do sistema de transporte público en Galicia.

Igualmente, avanza na definición do Plan Director da Mobilidade Alternativa e na programación de infraestruturas precisas para a realización de desprazamentos en modos menos contaminantes, na procura dunha mobilidade sostible.

DIRECCIÓN XERAL DE SOSTIBILIDADE E PAISAXE

As principais liñas de actuación deste centro directivo forman tres piares: territorio e paisaxe, información xeográfica e sostibilidade.

Territorio e paisaxe

Elaboración dos Plans Territoriais Integrados (PTI) correspondentes ao desenvolvemento das Directrices de Ordenación do Territorio (DOT).

Elaboración de estudos sobre a capacidade de acollida do territorio, o patrimonio natural e etnográfico e o potencial económico das nosas paisaxes, como estratexia de posta e valor, no eido do desenvolvemento sostible e endógeno do noso territorio.

Continuación das accións encamiñadas á xestión e desenvolvemento da lei da paisaxe. Proxecto para a elaboración do regulamento de desenvolvemento da lei 7/2008 de protección da Paisaxe de Galicia

Desenvolvemento dos catálogos da paisaxe da comarca do Deza. Desenvolvemento da Participación cidadá e peche. Abordarase a fase final da análise científica da comarca paisaxística do Deza, dentro da gran área paisaxística da Galicia Central en paralelo ao desenvolvemento da fase de participación pública contemplada na lei galega de paisaxe. O obxectivo é que a información obtida desta fase de participación alimente e complete a diagnose e permita tramitar os catálogos para a súa definitiva aprobación.

Elaboración dos catálogos da paisaxe das áreas paisaxísticas segundo o plan de desenvolvemento deseñado para estes instrumentos.

Elaboración de guías de integración paisaxística. As paisaxes en transformación. Os desenvolvementos urbanísticos e a articulación entre a trama urbana e o rural. Unha obra que permitirá a análise paisaxística destes espazos fronteira, cunha visión holística da cidade dentro dunha perspectiva territorial que promova todas as dimensións da sostibilidade, tendo en conta os criterios recollidos na Lei 7/2008, do 7 de xullo, de protección da paisaxe de Galicia.

Participación na Rede europea da Paisaxe.

Información xeográfica

Convenio CNIG PNOA (2010-2012). Continuación do proxecto de actualización da ortofotografía aérea de Galicia, dentro do Plan Nacional de Ortofotografía Aérea, asinado co Centro Nacional de Información Geográfica.

Información de planeamento urbanístico. Mellora e actualización do sistema de información urbanística de Galicia e que fai dispoñible para a poboación en xeral a situación actual do planeamento urbanístico dos concellos.

Desenvolvemento dun SIX Corporativo. Desenvolvemento dos instrumentos que fan viable a xestión da información xeográfica e territorial da Xunta de Galicia, e o seu emprego polos distintos departamentos nas súas áreas de actuación, así como para facer pública a información para a poboación en xeral se é o caso.

BTG5 Relieve. Comprende á información xeográfica, da base topográfica de Galicia relativa aos datos sobre as elevacións do terreo e abrangue os modelos dixitais de altitude da superficie da terra. A altitude representase mediante curvas de nivel, cotas en puntos significativos e liñas de ruptura. As curvas de nivel, excepto as intercalares, deben ser continuas. A equidistancia entre curvas de nivel é de 5 m, con curvas de nivel mestras etiquetadas cada 25 m.

BTG5 Hidrografía. Comezar os traballos de xeración da Información xeográfica cos elementos hidrográficos do territorio a escala 1:5.000, incluíndo a rede hidrográfica lineal, masas de auga, tanto naturais como artificiais e puntos de interese hídrico. Debe ser unha rede completa, continua e conectada para que poida ser utilizada para facer todo tipo de cálculos e análise sobre a mesma.

BTG5 Edificacións. Comprende o inicio dos traballos para a obtención por fotogrametría dixital dos elementos construídos a escala 1:5.000, que a grandes rasgos comprende as edificacións, instalacións deportivas, cerramentos, redes de subministro enerxético, de combustibles e telecomunicacións.

BTG5 Transporte. Obtención da información xeográfica a escala 1:5.000 que comprende tanto as vías de comunicación para vehículos e persoas como as infraestruturas asociadas, incluíndo as estradas, camiños, vías urbanas, vías férreas e o transporte suspendido por cable entre outros. Debe ter unas características especiais para que poidan ser empregadas para as utilidades de navegación dos dispositivos electrónicos, por tanto, é imprescindible obter unha rede viaria completa, continua e conectada.

BTG5 Coberturas do solo. Comprende a elaboración da información xeográfica 1:5.000 mediante técnicas de fotointerpretación a partir de imaxes de satélite ou ortofotos, aproveitando as cartografía existentes e procedendo a súa actualización.

Sistema de información de Ocupación do Solo (SIOSE). Traballo de actualización e mellora da cobertura do solo a escala 1:25000 co modelo de datos SIOSE.

Bases entidades poboación e rueiro/Cartociudad. Posta en marcha e impulso o proxecto de identificación e localización dos asentamentos de Galicia, xa que en Galicia existen máis de trinta mil entidades singulares, que é necesario dispor nunha base homoxénea para o seu emprego en distintos traballos.

Mapa Xeolóxico e Xeomorfolóxico de Galicia 1:50000. Planificación e inicio dos traballos para a obtención dos mapas xeolóxico e xeomorfolóxico, así coma o mapa de procesos activos

Mapa de Solos de Galicia 1:50000 e provincial A Coruña. Remate das follas 1:50000 dos mapa de solos a provincia da Coruña e a xeración dun mapa continuo de solos da mesma.

Sostibilidade

Estratexia de desenvolvemento sostible de Galicia. Identificación e análise dos ámbitos ou eixos temáticos prioritarios e desenvolvemento de estudos prospectivos no medio e longo prazo para a identificación das liñas de acción de goberno de cara a sostibilidade de Galicia.

Programa de educación sostible en centros educativos. Continuidade das liñas de acción para divulgar a sostibilidade en centros educativos en colaboración coa Consellería de Educación e Ordenación Universitaria: proxectos Axenda 21 escolar de Galicia e Climántica.

Programa vinculado a ordenación e xestión do territorio no marco da sostibilidade. Desenvolvemento de actividades deseñadas para trasladar á poboación a importancia da ordenación territorial, a xestión da información nos procesos de participación pública asociados cara unha maior transparencia e implicación dos axentes implicados no desenvolvemento sostible do te-

itorio.

XURADO DE EXPROPIACIÓN DE GALICIA

A finalidade do Xurado de Expropiación de Galicia é a consolidación do Organismo, na súa función de resolución de expedientes de expropiación, cos obxectivos de reducir a bolsa de expedientes pendentes de resolución, e de resolver os recursos en prazo.

II.2. DOS ORGANISMOS AUTÓNOMOS

INSTITUTO GALEGO DA VIVENDA E SOLO (IGVS)

O Instituto Galego da Vivenda e Solo, creado pola Lei 3/1988, do 27 de abril, é o organismo autónomo ao que lle corresponde a realización da política do solo e vivenda da Xunta de Galicia, co fin de garantir os dereitos constitucionais a unha vivenda digna e axeitada, e unha utilización do solo acorde co interese xeral, erradicando a especulación e actuando como elemento regulador do mercado inmobiliario e de mellora da calidade medioambiental.

Segundo o Decreto 83/2009, do 21 de abril, polo que se fixa a estrutura orgánica dos departamentos da Xunta de Galicia, o Instituto Galego da Vivenda e Solo queda adscrito á Consellería de Medio Ambiente, Territorio e Infraestruturas como organismo autónomo, que, de acordo co Decreto 317/2009, do 4 de xuño, polo que se establece a estrutura orgánica do Instituto Galego da Vivenda e Solo, lle corresponde a realización das políticas de vivenda e solo, coa finalidade de acadar os obxectivos previstos na Lei 3/1988, do 27 de abril, de creación do IGVS, e no marco dos principios reitores contidos no artigo 47 da Constitución española.

Os créditos que o proxecto de orzamentos pon a disposición do Instituto Galego da Vivenda e Solo destínanse a exercer as competencias e funcións descritas anteriormente.

Pola súa especial incidencia, pódense destacar os seguintes obxectivos e liñas de acción:

- Impulsarase, en colaboración coas Xestures e SEA, a creación de solo produtivo ordenadamente, de acordo cos plans e programas vixentes ou en elaboración, no ámbito da Comunidade Autónoma de Galicia.
- Impulsarase o desenvolvemento de solo residencial, para a creación de solo con destino preferente á construción de vivendas protexidas, de acordo cos datos do Rexistro Único de Demandantes de Vivenda.
- Impulsarase a construción de vivenda de promoción pública, rematando as vivendas xa iniciadas nos anos anteriores.
- Impulsarase a construción de vivendas de promoción pública en réxime de concerto con outros promotores públicos ou con promotores privados para facilitar un rápido

acceso á vivenda das persoas con maiores dificultades.

- Facilitarase o acceso á vivenda de promoción pública aos sectores con maiores dificultades a través de contratos de copropiedade
- Continuarase coa reparación do parque de vivendas de promoción pública, mediante accións directas e medidas de fomento con axudas ás comunidades de propietarios, permitindo así a diminución da acción directa do organismo na reparación dos grupos de vivendas pola acción de fomento, garantindo a implicación dos usuarios das vivendas.
- Fomentarase a reconstrución e rehabilitación de vivendas unifamiliares singulares e a corrección de impactos nas edificacións actuais, e a rehabilitación de edificios e vivendas de promoción pública en conxuntos históricos das cidades galegas.
- Axudas ao alugamento no Programa Aluga, na procura dunha dinamización do mercado de vivenda en aluguer, coa intervención decidida da Administración pública, mediante axudas para propietarios e inquilinos, con especial incidencia nos sectores sociais máis desfavorecidos ou en risco de exclusión social.
- Impulsaranse medidas para facilitar o acceso ao financiamento da adquisición de vivendas protexidas.
- Desenvolvemento do Plan de Vivenda 2009-2012, así como do plan galego de vivenda para o mesmo período, co obxectivo de facilitar aos cidadáns e cidadás galegos e galegas o acceso á vivenda.
- Axudas para a rehabilitación de calidade de vivendas en áreas de rehabilitación integral e de centros históricos, e de renovación urbana e núcleos rurais e costeiros necesitados de renovación integral.
- Facilitarase o acceso á primeira vivenda de calidade a aqueles colectivos de ingresos medios e baixos e aqueloutros con especiais dificultades polas súas circunstancias persoais.
- Continuarase coas axudas a adquirentes de vivendas de protección autonómica do Plan de Vivenda 2009-2012, incentivando a promoción de vivendas de calidade de protección autonómica con destino á venda, mediante axudas ás familias adquirentes de vivendas protexidas e de vivendas usadas a promotores para uso propio, todos eles de ingresos medios e baixos, así como axudas para colectivos con especiais dificultades, como son os emigrantes retornados, as familias monoparentais, as persoas con discapacidade e as súas familias, os mozos de ata 35 anos, os maiores de 65 e as vítimas da violencia de xénero, terrorismo e catástrofes.
- Incentivos para a construción de vivendas protexidas de calidade con destino a alugueiro, especialmente de xente moza e maiores de rendas limitadas.
- Axudas para a rehabilitación ou renovación de vivendas rurais.
- Axudas para a rehabilitación ou renovación de vivendas en conxuntos históricos.
- Creación e mantemento das oficinas de información e apoio á rehabilitación en áreas de rehabilitación, e de portelos únicos.
- Impulsaranse acordos cos diferentes axentes implicados no sector inmobiliario, orientados a facilitar o acceso a vivenda, a eliminar o stock de vivendas e a incentivar o sector.

II.3. DAS AXENCIAS PÚBLICAS AUTONÓMICAS

AXENCIA GALEGA DE INFRAESTRUTURAS

A Lei 16/2010, do 17 de decembro, de organización e funcionamento da Administración xeral e do sector público autonómico de Galicia, na súa Disposición Adicional Cuarta, outorgou autorización ao Consello da Xunta de Galicia para a creación da Axencia Galega de Infraestruturas, adscrita á consellería competente en materia de infraestruturas.

Mediante o correspondente decreto, desenvolveuse a citada disposición adicional, e deuse cumprimento ao previsto no artigo 54.5 da devandita lei, regulando os aspectos referidos á organización e funcionamento da axencia, a súa estrutura, o réxime do seu persoal, o seu réxime económico-financeiro, e o seu réxime patrimonial e de contratación.

A Axencia Galega de Infraestruturas asume as competencias atribuídas á Dirección Xeral de Infraestruturas e aos Servizos de Infraestruturas das xefaturas territoriais, e ten como obxectivos básicos impulsar, coordinar e xestionar a política autonómica en materia de estradas e, en especial, a planificación, proxección, construción, conservación e explotación das estradas que sexan competencia da nosa comunidade autónoma, e os servizos que se poidan instalar ou desenvolver nas ditas infraestruturas e, tamén, garantir o uso e defensa do patrimonio viario.

Así mesmo, esta axencia exerce a tutela funcional da Sociedade Pública de Investimentos de Galicia, S.A.

As liñas de acción da Axencia Galega de Infraestruturas para o ano 2012 estarán definidas no contrato de xestión e no plan de acción plurianual que aprobe o Consello Reitor da Axencia, e conseguiranse a través dos seguintes plans de actuación:

- Plan de recursos humanos.
- Plan en materia de planificación, programación, construción, conservación e explotación.
- Plan de elaboración de disposicións e normas de actuación.
- Plan de xestión de expedientes.
- Plan de calidade, avaliación e seguimento da xestión da axencia.

I) PLAN DE RECURSOS HUMANOS

A posta en funcionamento da axencia esixirá unha fase de adaptación do persoal á estrutura dun ente público independente. Por iso, as actuacións van dirixidas, en primeiro lugar, a conseguir a integración do persoal procedente da Dirección Xeral de Infraestruturas e dos Servizos de Infraestruturas das xefaturas territoriais, na estrutura da nova axencia.

2) PLAN EN MATERIA DE PLANIFICACIÓN, PROGRAMACIÓN, CONSTRUCCIÓN, CONSERVACIÓN E EXPLOTACIÓN.

A situación actual das infraestruturas viarias en Galicia aparece recollida no documento das Directrices de Ordenación do Territorio (DOT). Nel sinálase que, segundo os datos do Anuario estatístico do Ministerio de Fomento, Galicia dispón dunha rede de estradas que se estende ao longo de 17.537 km, cuxa xestión se reparten o Estado (12,8%), a Xunta de Galicia (30,9%), as Deputacións (56,3%), máis 62.000 km, que xestionan os concellos.

Actualmente, dos 5.280 km. de vías de titularidade autonómica, 1.670 km, é dicir, máis do 30%, atravesan núcleos urbanos, cos conseguintes problemas de retencións de tráfico e de seguridade viaria. Ademais, en canto á súa xeometría, conséntase que o 30% da rede ten unha anchura inferior aos 6 m, e o 50% presenta un ancho de beiravía.

Outro dos puntos críticos da rede está nos accesos ás principais cidades onde aparecen importantes niveis de conxestión.

En consecuencia elaborouse o Plan Move, co obxectivo de ordenar e xerarquizar a nosa rede de estradas, coordinar as iniciativas das distintas administracións, completar as comunicacións de Galicia co seu entorno (Asturias, Castela e León e Portugal), mellorar a accesibilidade ás cidades, aos espazos urbanos principais e ás grandes áreas industriais e loxísticas, situando ao 80% da poboación a menos de 15 minutos dunha vía de altas prestacións, integrando a seguridade viaria como criterio básico desde o propio deseño da infraestrutura. Este Plan será o principal marco de actuación da Axencia Galega de Infraestruturas para o exercicio 2012. Polo tanto, os programas de actuacións serán os seguintes:

- Programa de actuación en Vías de Altas Prestacións
- Programas de actuacións en vías estruturantes e complementarias
- Programa de Actuacións en Medios Urbanos
- Programa de Mantemento e Conservación das Estradas Galegas
- Programa de Seguridade Viaria
- Programa de Subvención de peaxes

Así mesmo, e tendo en conta que a Axencia Galega de Infraestruturas asume a tutela funcional da Sociedade Pública de Investimentos, o orzamentos desta axencia pública autonómica para o ano 2012 ascenderá a un total de 665,86 M€ (incluída a subvención de peaxes), correspondendo 268,92 M€ a financiamento orzamentario e 396,94 M€ a financiamento extraorzamentario, dos cales 210,52 M€ corresponden a obras executadas a través de concesións e 186,42 M€ a través da Sociedade Pública de Investimentos de Galicia, S.A.

O financiamento orzamentario é a fonte principal para o financiamento das actuacións, e ten a súa orixe nos orzamentos anuais da Consellería de Medio Ambiente, Territorio e Infraestruturas.

O financiamento extraorzamentario ten a súa orixe no mercado financeiro privado: concesións de obra pública e a Sociedade Pública de Investimentos de Galicia, S.A.

Financiamento orzamentario:

Con cargo ao financiamento orzamentario, os programas a impulsar son:

1) Programa de actuacións en Vías de Altas Prestacións, grazas ao cal se promoverán as infraestruturas estratéxicas.

2) Programas de actuacións en vías estruturantes e complementarias:

2.a) Novos eixes e variantes.

2.b) Plan de adecuación de travesías.

2.c) Acondicionamento e mellora da rede de estradas convencionais.

3) Programa de Actuacións en Medios Urbanos, tratando de impulsar actuacións que permitan resolver os problemas nos accesos ás cidades, reducindo o nivel de conxestión.

4) Programa de Mantemento e Conservación das Estradas Galegas. Este programa, para o ano 2012, require especial atención, co obxectivo de manter o estado das estradas nas debidas condicións de viabilidade, seguridade, limpeza, sinalización e comodidade. Cabe destacar, dentro deste programa, o Plan de Vialidade Invernal da Xunta de Galicia.

5) Programa de Seguridade Vial. Neste programa contemplaranse as accións incluídas no Plan de Seguridade Viaria 2011-2015, como compromiso da Xunta de Galicia na redución da sinistralidade e a minoración da gravidade dos accidentes de tráfico, a través dun programa de actuación integral e coordinado entre todas as súas consellerías.

Financiamento extraorzamentario:

No ano 2012 aplicaranse modelos de financiamento extraorzamentario para a provisión das infraestruturas e dos obxectivos recollidos no Plan de Mobilidade e Orientación Viaria Estratéxica (Plan Move), co obxecto de dotar a Galicia, nun prazo breve de tempo, das actuacións consideradas imprescindibles para o seu desenvolvemento económico.

Coa necesidade de cumprir adecuadamente os obxectivos de estabilidade orzamentaria, considérase necesario vincular a iniciativa privada á execución e explotación da rede de estradas autonómica. Desta forma, mantense o pulo inversor do Plan Move e adiántase o retorno social

derivado do incremento de riqueza que xera este investimento sen incrementar o déficit público, e, en consecuencia, sen comprometer o crecemento económico da comunidade autónoma.

Dentro do financiamento extraorxamentario, podemos distinguir as concesión de obra pública e a Sociedade Pública de Investimentos de Galicia, S.A.

Concesións de obra pública do ano 2012: ao longo do ano 2012, a Axencia Galega de Infraestruturas xestionará a execución de varias actuacións en réxime de concesión, co mesmo obxecto de mobilizar recursos extraorxamentarios, nas que cabe destacar a Autovía da Costa da Morte, cuxo sistema de contraprestación consiste na percepción dun canon por dispoñibilidade anual, cuxo importe máximo é ofertado pola sociedade concesionaria, e que se modula en función da calidade do servizo, dependendo dos valores acadados para os indicadores de calidade e estado da vía.

Neste apartado, para o ano 2012 estímase un investimento extraorxamentario en materia de concesións de 210,52 M€.

Sociedade Pública de Investimentos de Galicia, S.A.: en concepto de recursos extraorxamentarios, desde a Sociedade Pública de Investimentos de Galicia, S.A., contarase cun investimento total, para o ano 2012, de 186,42 M€.

3) PLAN DE ELABORACIÓN DE DISPOSICIÓNS E NORMAS DE ACTUACIÓN.

As liñas de actuación neste ámbito son as seguintes:

- O desenvolvemento da normativa do Decreto polo que se aproban os Estatutos da Axencia e Regulamento de réxime interior.
- A elaboración dunha nova Lei de estradas de Galicia e do seu regulamento.
- A elaboración de instrucións e protocolos para a tramitación de expedientes administrativos.

4) PLAN DE XESTIÓN DE EXPEDIENTES

Este plan ten por obxectivo fundamental promover a utilización de medios que permitan axilizar a tramitación administrativa de todo tipo de expedientes.

5) PLAN DE CALIDADE, AVALIACIÓN E SEGUIMENTO DA XESTIÓN DA AXENCIA.

A organización e o sistema de traballo da axencia deben rexerse polo principio de calidade

e mellora continua, que garanta un nivel estándar na xestión e prestación de servizos aos destinatarios da súa actividade.

II.4. DAS ENTIDADES PÚBLICAS EMPRESARIAIS

AUGAS DE GALICIA

- a) Elaboración, seguimento e revisións dos Plans de Abastecemento e Saneamento e Depuración, así como do Plan Hidrolóxico da Demarcación de Galicia Costa.
- b) Execución de infraestruturas hidráulicas.
- c) Xestión do Dominio Público Hidráulico.
- d) Traballos para a implantación da Directiva Marco da Auga.
- e) Explotación de Estacións Depuradoras de Augas Residuais (EDARs).

II.5. DOS CONSORCIOS AUTONÓMICOS

AXENCIA DE PROTECCIÓN DA LEGALIDADE URBANÍSTICA (APLU)

Mellora a vixilancia e inspección do territorio e a protección do litoral coa finalidade de velar polo cumprimento da legalidade, previndo e combatendo as infraccións en materia de urbanismo e de costas, e colaborar coas instancias municipais para acadar óptimos resultados na materia urbanística.

CENTRO DE EXTENSIÓN UNIVERSITARIA E DIVULGACIÓN AMBIENTAL DE GALICIA (CEIDA)

Promover a educación ambiental en todos os sectores sociais, así como o intercambio científico e cultural na procura de solucións aos problemas ambientais.

II.6. DAS SOCIEDADES MERCANTÍS PÚBLICAS AUTONÓMICAS

SOCIEDADES DE XESTIÓN URBANÍSTICA (XESTUR)

As sociedades de xestión urbanística terán protagonismo na execución de parques empresariais e vivenda e utilizaranse como áxil instrumento na posta en mercado do solo industrial, en particular para facer realidade os compromisos da Administración autonómica na tarefa de creación de solo industrial.

Tamén colaborarán na xestión do Programa de Renda Básica de Emancipación, baixo a dirección do Instituto Galego da Vivenda e Solo e do Ministerio de Vivenda.

Cómpre destacar de entre as actividades asignadas as Xestures, segundo o Decreto aprobado polo Consello da Xunta do 3 de xullo de 2008, as seguintes:

Promoción, adquisición, e preparación de solo para asentamentos industriais, residenciais, terciarios e de servizos.

Exercer a acción urbanizadora dirixida á preparación de solo industrial, residencial, terciario e de servizos, mediante a realización de obras de infraestruturas, urbanización, e dotación de servizos para o seu adecuado equipamento, así como calquera outra acción precisa para a execución do planeamento urbanístico.

Promover a acción edificatoria dirixida á realización de edificacións e instalacións destinadas a albergar industrias e vivendas, incluídas as vivendas suxeitas a calquera réxime de protección pública, así como as dotacións de equipamento comunitario previstas polo planeamento urbanístico.

O fomento da adquisición de solo así como a rehabilitación e construción de todo tipo de edificacións.

A promoción e xestión de actuacións en materia de vivenda e solo que se desenvolvan directamente pola propia sociedade ou en colaboración con outras Administracións públicas competentes.

Subscribir convenios con Administracións públicas ao obxecto de desenvolver actuacións vinculadas ao obxecto social nos termos establecidos na normativa vixente.

SOCIEDADE GALEGA DO MEDIO AMBIENTE, S.A. (SOGAMA)

Contribuír ao desenvolvemento sustentable da nosa comunidade, cooperando en todas aquelas accións orientadas cara á protección, conservación e coidado do medio ambiente no seu conxunto. Prestar o mellor servizo público posible co menor custo económico e ambiental, tratando de ser un instrumento útil na xestión ambiental da Administración autonómica coas funcións que neste momento ten encomendadas e aquelas outras que nun futuro lle poidan ser atribuídas.

SOCIEDADE PÚBLICA DE INVESTIMENTOS DE GALICIA, S.A. (SPI GALICIA, S.A.)

Proxectar, construír, conservar e explotar, por ela mesma, por terceiras persoas ou en calidade de concesionaria, actuando por encargo do Consello da Xunta, en nome propio ou por conta e mandato da Xunta de Galicia, segundo os termos dos encargos e os mandatos de actuación, toda clase de infraestruturas que a Xunta promova ou participe, e tamén os servizos que

se poidan instalar ou desenvolver nas ditas infraestruturas. A súa actividade comprende tamén, logo de autorización do Consello da xunta, a promoción e execución de actividades urbanísticas e inmobiliarias, adquisición e alleamento de toda clase de bens inmobles, xestión e realización das obras e dotación de servizos e a súa posible explotación.

III. ORZAMENTO DE GASTOS POR PROGRAMA

III.1. PROGRAMAS DE GASTO

III.1.1. PROGRAMA 451A - FOMENTO DA REHABILITACIÓN E DA CALIDADE DA VIVENDA

DESCRICIÓN DO PROGRAMA

NECESIDADES QUE TRATA DE ATENDER O PROGRAMA

A necesidade que trata de atender o programa 451A consiste basicamente en mellorar as condicións de habitabilidade e calidade das vivendas no máis amplo sentido, incluíndo a reparación das vivendas propias do parque de vivendas de promoción pública do Instituto Galego da Vivenda e Solo, e o apoio e fomento da rehabilitación a través da declaración de áreas e das oficinas implantadas nas mesmas.

POBOACIÓN OU COLECTIVO AO QUE SE DIRIXE

O colectivo ao que se dirixe o programa 451A ten un carácter universal, sempre respectando as limitacións que estableza a normativa vixente. En concreto, o colectivo afectado desagregase en:

- Propietarios ou inquilinos beneficiarios de actuacións en materia de rehabilitación, de acordo coa normativa aplicable.
- Poboación residente en núcleos rurais e cascos históricos.
- Propietarios de vivendas incorporadas ao Programa Aluga.
- Poboación residente en vivendas que non reúnen as condicións mínimas de habitabilidade.
- Veciños das parroquias dos Camiños de Santiago

No que afecta a este programa, o Plan de Vivenda 2009-2012 dá un trato diferenciado a certos colectivos sociais especialmente desfavorecidos (xente moza ata 35 anos, persoas maiores de 65 anos, afectados por situacións catastróficas, familias numerosas, familias monoparentais, persoas dependentes ou con discapacidade e as súas familias, vítimas do terrorismo...)

DETALLE DA SITUACIÓN DE PARTIDA

O patrimonio arquitectónico (no que hai que incluír de maneira salientable os edificios e vivendas nos que habitan as persoas) require investimentos significativos non só para a súa conservación, senón tamén para a súa mellora, sobre todo se temos en conta que representa un activo que vai máis alá do meramente material. Galicia ten unha dispersión poboacional que non se rexistra en ningunha outra comunidade autónoma, coa incidencia que isto ten a nivel de vivenda.

Malia a súa riqueza e importancia, existe un abandono e deterioro progresivo do patrimonio

arquitectónico, das vivendas, e dos espazos públicos no medio rural e nos conxuntos e núcleos históricos, con despoboamento e envellecemento da poboación, perda de actividades produtivas e da calidade de vida. Nalgúns casos, as vivendas construídas e de nova construción non acadan os niveis necesarios de calidade, habitabilidade e sustentabilidade propios dunha vivenda digna.

A Comunidade Autónoma de Galicia veu realizando, nos anos anteriores, un esforzo para mellorar a calidade e habitabilidade das vivendas no seu territorio. Así, veu actuando no eido das subvencións en todas as súas vertientes para a rehabilitación (vivendas en conxuntos históricos, vivenda rural, reforma de edificios de vivendas de promoción pública...) no marco do plan estatal de vivenda e das normas autonómicas que o complementan, e dos programas propios do IGVS. Tamén, e dado o estado de degradación de algúns cascos históricos e núcleos rurais, o IGVS interviú nos anos anteriores para proceder na medida do posible á súa rehabilitación e posterior posta en valor. Tamén se levaron a cabo iniciativas de colaboración a través de convenios e outros mecanismos legalmente establecidos con distintos axentes (concellos, universidades, institucións sen fins de lucro...) nos distintos aspectos (tanto de rehabilitación como técnicos) referidos á calidade da vivenda. Dentro deste ámbito de colaboración, acadou un protagonismo especial o mantemento e apoio ás oficinas municipais de rehabilitación.

Todo isto veuse realizando nun contexto económico de crise nos últimos anos e cuns recursos económicos decrecentes por mor do escenario orzamentario.

DEFINICIÓ DO MARCO NO QUE SE DESENVOLVE O PROGRAMA

O marco legal e regulamentario no que se desenvolve o programa 451A é o seguinte:

- Lei 3/88, do 27 de abril, de creación do IGVS, e o Decreto 288/88, que a desenvolve.
- Real Decreto 2066/2008, do 12 de decembro, polo que se regula o Plan estatal de vivenda e rehabilitación 2009-2012.
- Decreto 84/2010, do 27 de maio, polo que se regula o Programa Aluga.
- Decreto 44/2011, do 10 de marzo, polo que se regulan as axudas autonómicas para o remate de fachadas e cubertas, rehabilitación e reconstrución de edificios e vivendas nos ámbitos rural, histórico e dos Camiños de Santiago.
- Decreto 402/2009, do 22 de outubro, polo que se establecen as axudas públicas en materia de vivenda a cargo da Comunidade Autónoma de Galicia e se regula a xestión das previstas no R.D. 2066/2008, de 12 de decembro, para o período 2009-2012.

FINALIDADE E ESTRATEXIA DO PROGRAMA

O programa 451A ten a finalidade de mellorar as condicións de vida dos propietarios e usuarios das vivendas, de xeito que se favoreza a consecución dunha perfecta habitabilidade das vivendas, ao mesmo tempo que se recupera o patrimonio residencial xa edificado, actuando con criterios de calidade e sostibilidade.

Para estes efectos, establécense medidas de fomento e rehabilitación das vivendas individuais ou en réxime de división horizontal, de reparación do parque público de vivendas e de actuacións sobre ámbitos máis extensos coa declaración de Áreas de Rehabilitación Integral. No caso das áreas, establécense medidas de apoio técnico á rehabilitación, a través das oficinas municipais de rehabilitación.

ÓRGANOS ENCARGADOS DA SÚA XESTIÓN

Instituto Galego da Vivenda e Solo

III.1.2. PROGRAMA 451B - ACCESO Á VIVENDA

DESCRICIÓN DO PROGRAMA

NECESIDADE QUE TRATA DE ATENDER O PROGRAMA

A necesidade que trata de atender o programa 451B consiste, basicamente, en facilitar o acceso á vivenda, tanto en propiedade como en réxime de aluguer, para aqueles sectores da sociedade que se atopen en condicións máis desfavorecidas.

POBOACIÓN OU COLECTIVO AO QUE SE DIRIXE

O colectivo ao que se dirixe o programa 451B ten un carácter universal, sempre respectando as limitacións que estableza a normativa vixente. En concreto, o colectivo afectado desagrégase en:

- Inquilinos incorporados ao Programa Aluga que teñan alugada unha vivenda no marco deste programa.
- Inquilinos que teñan alugada unha vivenda nesta comunidade autónoma e que soliciten a Renda Básica de Emancipación.
- Adquirentes de vivenda de protección autonómica nova e usada e de vivendas libres usadas e libres a prezo limitado (polas axudas financeiras á adquisición).
- Promotores que leven a cabo as promocións de aloxamentos protexidos ou a urbanización de solo.

No que afecta a este programa, o Plan de Vivenda 2009-2012 dá un trato diferenciado a certos colectivos sociais especialmente desfavorecidos (compradores que acceden por primeira vez a vivenda, xente moza ata 35 anos, persoas maiores de 65 anos, mulleres vítimas de violencia de xénero, vítimas do terrorismo, afectados por situacións catastróficas, familias numerosas, familias monoparentais, persoas dependentes ou con discapacidade e as súas familias, persoas separadas ou divorciadas ao corrente do pagamento de pensións alimenticias e compensatorias, persoas sen fogar ou procedentes de operacións de erradicación do chabolismo, e outros colectivos en situación ou risco de exclusión social determinados polas comunidades autónomas).

DETALLE DA SITUACIÓN DE PARTIDA

Malia a existencia dun stock de vivendas baleiras, continúa sendo complicado o acceso ao dereito constitucional a unha vivenda digna e adecuada para un importante sector da poboación (xa sexa en réxime de propiedade ou de aluguer). Isto é debido a que a corrección (que non caída significativa e, nalgúns ámbitos, nin sequera caída) de prezos das vivendas, vese lastrada polas dificultades de acceso ao crédito hipotecario e polas dificultades que atravesan as persoas e familias de rendas medias e baixas derivadas da prolongada crise económica e os elevados niveis de desemprego.

A isto hai que engadir a escaseza de solo residencial que impide construír vivendas de protección oficial de promoción pública

A Comunidade Autónoma de Galicia veu realizando nos anos anteriores un esforzo para facilitar o acceso á vivenda no seu territorio. Así, veu actuando no eido da promoción pública da construción de vivenda, con destino aos colectivos cunha renda entre o 0,7 e o 2,5 do IPREM. Tamén se incidiu nas axudas a adquirentes de vivendas protexidas, xa fosen usadas ou libres a prezos limitados, dentro do marco do Plan de Vivenda 2009-2012 e das actuacións pendentes de plans anteriores, con especial atención aos colectivos máis desfavorecidos. Tamén se veu desenvolvendo o Programa Aluga, na procura dunha dinamización do mercado de vivenda en aluguer, con axudas aos inquilinos (con especial incidencia nos sectores sociais máis desfavorecidos ou en risco de exclusión social). O IGVS veuse encargando da tramitación, control, xestión e pagamento dos gastos correntes e de capital nos que incorreron as sociedades Xestur derivados das encomendas de xestión do Programa Estatal da Renda Básica de Emancipación.

Ademais de todo o anterior, o IGVS seguiu a desenvolver, nos últimos anos, unha política de compra de solo residencial e a súa posterior urbanización (para tentar de cubrir a carencia do mesmo, con vistas a construír vivendas de promoción pública e protexida).

Todo isto veuse realizando nun contexto económico de crise nos últimos anos e cuns recursos económicos decrecentes por mor do escenario orzamentario, o que obrigou a adiar e reaxustar, cara ao futuro, o remate e mesmo o inicio dalgunhas das promocións de vivenda pública.

DEFINICIÓN DO MARCO NO QUE SE DESENVOLVE O PROGRAMA

O marco legal e regulamentario no que se desenvolve o programa 45 IB é o seguinte:

- Lei 3/1988, do 27 de abril, de creación do IGVS (e Decreto 288/1988, do 29 de setembro, que desenvolve a citada lei).
- Decreto 253/2007, do 13 de decembro, de Réxime xurídico do solo e das edificacións promovidas polo IGVS.
- Real Decreto 2066/2008, do 12 de decembro, polo que se aproba o Plan Estatal de Vivenda e Rehabilitación 2009-2012.
- Decreto 402/2009, do 22 de outubro, polo que se establecen as axudas públicas en materia de vivenda a cargo da Comunidade Autónoma de Galicia e se regula a xestión

das previstas no R.D. 2066/2008, de 12 de decembro, para o período 2009-2012.

- Decreto 84/2010, do 27 de maio, polo que se regula o Programa Aluga.

FINALIDADE E ESTRATEXIA DO PROGRAMA

O programa 451B ten a finalidade de facilitar o acceso á vivenda dos sectores con máis dificultades.

Para estes efectos, artículanse actuacións dirixidas a desenvolver solo con destino á construción de vivendas protexidas.

Por outra banda, prevese a construción de vivendas de promoción pública.

Tamén se establecen medidas de fomento para a adquisición de vivenda protexida, para o aluguer e para a construción de aloxamentos protexidos, como un sistema residencial colectivo que permita aos residentes dispoñer de certos servizos comúns.

ÓRGANOS ENCARGADOS DA SÚA XESTIÓN

Instituto Galego da Vivenda e Solo

III.1.3. PROGRAMA 451C - DIRECCIÓN E SERVIZOS XERAIS DE VIVENDA E SOLO

DESCRICIÓN DO PROGRAMA

NECESIDADE QUE TRATA DE ATENDER O PROGRAMA

A necesidade que trata de atender o programa 451C consiste, basicamente, en facer fronte aos gastos xerais do Instituto Galego da Vivenda e Solo que non se poden imputar de maneira exclusiva ou maioritaria a ningún dos outros programas de gasto dos que se encarga o Instituto. Así, neste programa inclúense, a nivel de gastos correntes, os gastos do capítulo 1 (gastos de persoal) e do capítulo 2 (gastos en bens correntes e servizos) do IGVS, e, a nivel de gastos de capital, os gastos de investimento do capítulo 6 (xa sexa material ou inmaterial, e non imputables de maneira exclusiva ou maioritaria a ningún dos outros programas).

POBOACIÓN OU COLECTIVO AO QUE SE DIRIXE

O colectivo ao que se dirixe o programa 451C é o persoal do IGVS, así como os provedores dos capítulos 2 e 6 de gasto, as persoas que accedan ás bolsas de formación e especialización en materia de vivenda e os promotores públicos.

DETALLE DA SITUACIÓN DE PARTIDA

A situación da que se parte neste programa é a insuficiencia de orzamento en ocasións para atender determinadas necesidades, e a eficacia na xestión do orzamento, intentando atender e priorizar as necesidades imprevistas que poidan xurdir durante a execución do mesmo. Neste ámbito, cómpre destacar a problemática que se produce no capítulo 2 no concepto 225 (tribu-

tos), pola incapacidade do IGVS para atender os gastos polo imposto de bens inmobles, e a abultada débeda que arrastra neste concepto por mor do elevado parque de vivendas en propiedade do instituto e as restricións para dotar os capítulos de gastos correntes.

DEFINICIÓN DO MARCO NO QUE SE DESENVOLVE O PROGRAMA

O marco legal e regulamentario no que se desenvolve o programa 451C é o derivado de calquera normativa en materia de persoal, de subvencións, contratación ou financeira que poida resultar de aplicación para o funcionamento operativo do IGVS.

FINALIDADE E ESTRATEXIA DO PROGRAMA

Ademais de procurar unha xestión eficaz do orzamento e atender ás necesidades do funcionamento ordinario do instituto (tentando aplicar nos procedementos de xestión do gasto criterios de eficiencia e eficacia), establécense previsións orientadas a satisfacer o IBI do patrimonio do IGVS e do parque público de vivenda que se integra nel, e para facer fronte ás cotas de comunidades das vivendas das que é titular o organismo.

ÓRGANOS ENCARGADOS DA SÚA XESTIÓN

Instituto Galego da Vivenda e Solo

III.1.4. PROGRAMA 511A - DIRECCIÓN E SERVIZOS XERAIS DE TERRITORIO E INFRAESTRUTURAS

DESCRICIÓN DO PROGRAMA

NECESIDADES QUE TRATA DE ATENDER O PROGRAMA

É este un programa instrumental de servizos administrativos, que ten como finalidade proporcionar os medios materiais, persoais e de organización para o funcionamento dos servizos de carácter xeral da Consellería de Medio Ambiente, Territorio e Infraestruturas.

POBOACIÓN OU COLECTIVO AO QUE SE DIRIXE

Os cidadáns en xeral, e o colectivo de traballadores e traballadoras da Consellería de Medio Ambiente, Territorio e Infraestruturas en concreto.

DETALLE DA SITUACIÓN DE PARTIDA

As actividades que desenvolve céntranse no plan de transparencia e modernización informática da consellería, co que se pretende aproximar a consellería aos cidadáns, aumentar a transparencia dos seus procedementos e actuacións, así como mellorar as condicións dos traballadores, todo iso destinado ao logro dun maior rendemento e eficacia da acción administrativa.

DEFINICIÓN DO MARCO NO QUE SE DESENVOLVE O PROGRAMA

O Marco legal e regulamentario ao abeiro do que se desenvolven as actuacións do programa e o Decreto 316/2009, do 4 de xuño, polo que se establece a estrutura orgánica da Consellería de Medio Ambiente, Territorio e Infraestruturas, modificado polo Decreto 449/2009, do 23 de decembro, e polo Decreto 173/2011, do 4 de agosto, polo que se aproba o Estatuto da

Axencia Galega de Infraestruturas

FINALIDADE E ESTRATEXIAS DO PROGRAMA

En concreto abordaranse as seguintes actividades:

- As destinadas a aumentar a calidade, cantidade e rapidez de información dispoñible para os cidadáns.
- Desenvolvemento e implantación de aplicacións informáticas de xestión destinadas a axilizar os procedementos administrativos, tanto no seu ámbito interno, como no de relación cos cidadáns e outras administracións.
- Renovación de equipos de proceso de información e mellora da plataforma tecnolóxica que permitan o correcto funcionamento e mellora dos servizos prestados, e incrementar a eficiencia e a eficacia nas actuacións impulsadas pola Cmati.
- Xestión de persoal.
- Xestión económica e administrativa de carácter xeral.
- Recursos e servizos xurídicos.
- Inspección técnica.
- Acondicionamento e remodelación de edificios para usos administrativos.

ÓRGANOS ENCARGADOS DA SÚA XESTIÓN

Secretaría Xeral Técnica

Xurado de Expropiación de Galicia

III.1.5. PROGRAMA 512A. ORDENACIÓN E INSPECCIÓN DO TRANSPORTE

DESCRICIÓN DO PROGRAMA

NECESIDADES QUE TRATA DE ATENDER O PROGRAMA

O obxectivo do programa é facilitar a mobilidade das persoas e mercadorías para que Galicia sexa mais accesible, aberta e integrada nos fluxos comerciais e económicos europeos e mundiais.

POBOACIÓN OU COLECTIVO AO QUE SE DIRIXE

Os destinatarios destas medidas son, tanto o público en xeral, demandante dos servizos do sector do transporte, como as empresas e os traballadores que prestan os servizos.

DETALLE DA SITUACIÓN DE PARTIDA

Actualmente estanse a desenvolver unha serie de medidas encamiñadas a facilitar a mobilidade, tanto das persoas coma das mercadorías. Entre elas compre destacar a implantación do novo Plan de Transporte Metropolitano de Galicia e a posta en marcha da Tarxeta Metropolitana de Galicia, cuxa tecnoloxía está a permitir implantar un esquema tarifario zonal máis

sinxelo, a despenalización dos transbordos e a bonificación da recorrencia. Este novo Plan está xa operativo nas áreas da Coruña, Ferrol e Santiago de Compostela, e estase a implantar en Lugo.

Paralelamente estanse realizando, e nalgúns casos rematando, unha serie de estudos sobre a implantación en Galicia de novas infraestruturas ou modos de transporte (Plan sectorial de aparcadoiros disuasorios, Plan de mobilidade alternativa, estudos para a implantación de metros lixeiros, estudos para o establecemento de plataformas reservadas para autobuses e vehículos de alta capacidade, proxectos para a creación de paradas de transportistas de mercadorías, etc).

Está en avanzado grao de construción o acceso da Plataforma loxística industrial de Salvaterra – As Neves á autovía A – 52.

Na actualidade, o sector está afectado por unha diminución da demanda, tanto no eido dos viaxeiros como nas mercadorías, como consecuencia da situación actual de crise económica.

DEFINICIÓN DO MARCO NO QUE SE DESENVOLVE O PROGRAMA

- Lei 5/2009, do 26 de novembro, de medidas urxentes para a modernización do sector do transporte público de Galicia.
- Lei 2/2008, do 6 de maio, pola que se desenvolve a libre prestación de servizos de transporte marítimo de persoas en augas interiores de Galicia.
- Lei 6/1996 de coordinación de servizos urbanos e interurbanos.
- Lei 16/1987, do 30 de xullo, de ordenación dos transportes terrestres.

FINALIDADE E ESTRATEXIA DO PROGRAMA

Polo tanto, a finalidade deste programa é facilitar a mobilidade das persoas e mercadorías, procurando solucións máis eficientes e sostibles, para o que é preciso a actuación pública nos servizos de transporte, así como mellorar a competitividade das empresas de transporte. Ámbalas dúas liñas de acción contribuirán a reforzar o sector do transporte nestes momentos de crise económica.

Contémpnanse, entre outras, as seguintes actuacións:

- Continuar coa implantación do novo Plan de Transporte Metropolitano de Galicia nas outras 3 grandes áreas metropolitanas de Galicia.
- Desenvolver accións encamiñadas a mellorar o transporte nas zonas rurais.
- Implantar un sistema integral de información do transporte público de Galicia e mellorar as infraestruturas asociadas.
- Proxectar a construción de infraestruturas de mobilidade alternativa.
- Fomentar as accións de formación no sector do transporte.
- Poñer en práctica medidas que faciliten a reestruturación do sector do transporte de mercadorías.

- Iniciar os traballos de implantación dos programas tecnolóxicos do Plan de modernización do transporte de viaxeiros.
- Continuar cos estudos de viabilidade dos metros lixeiros.

Compre salientar, ademais, as actuacións enmarcadas dentro do Plan Impulsa Lugo e Impulsa Ourense:

- a) Dentro do Plan Impulsa Lugo está prevista a posta en práctica do Plan de Negocio do Porto Seco de Monforte que, con cargo á aplicación orzamentaria 640.0 “Estudos e Proxectos en materia de transporte” inclúe, entre outros aspectos:

Análise da demanda potencial de carácter ferroviario.

Análise da demanda potencial de servizos loxísticos nas superficies (intermodais ou non) que poidan ser desenvolvidas anexas ao Porto Seco.

Analizar as instalacións técnicas ferroviarias xa construídas co fin de confirmar a súa idoneidade para os obxectivos previstos.

Determinar as inversións a realizar na parte loxística e de transportes.

Realizar unha análise económico-financeira do Porto Seco, da área loxística asociada e do conxunto da instalación.

Establecer as fórmulas máis óptimas de desenvolvemento, promoción e xestión.

Identificar, no seu caso, os socios potenciais para a promoción e/ou explotación desta infraestrutura.

Na actualidade a Dirección xeral de Mobilidade xa conta cun documento de avance que inclúe unha selección de actividades a incluír na área loxística e cunha proposta de desenvolvemento dunha estratexia comercial para levalo a cabo, pechándose deste xeito un esquema de comercialización para o Porto Seco.

Tamén, dentro das actuacións do Plan Impulsa Lugo, por parte da Dirección xeral de Mobilidade continuarase coas labores de seguimento dos proxectos, obras e accións de impulso das conexións da Alta Velocidade ferroviaria entre Galicia e Madrid, realizadas polo persoal técnico deste departamento.

- b) Por outro lado, as actuacións comprensivas do Plan Impulsa Ourense, céntranse nas labores de seguimento dos proxectos, obras e accións de impulso das conexións da Alta Velocidade ferroviaria entre Galicia e Madrid, realizadas polo persoal técnico deste departamento, así como na mellora das comunicacións terrestres entre Ourense e Valdeorras.

Respecto desta última, nos orzamentos de 2012 contéplase unha dotación económica para o desenvolvemento de actuacións piloto no marco do transporte rural (aplicación 470.I “Transporte Metropolitano de Galicia”).

A liña férrea Monforte-Ponferrada-León por Valdeorras vai ser potenciada como “liña con prioridade para o tráfico de mercancías en largo ibérico”, consonte o Plan estratéxico

co para o impulso do transporte ferroviario de mercancías en España, do Ministerio de Fomento. O cal non debería ser obstáculo para o mantemento dos servizos de viaxeiros.

ÓRGANOS ENCARGADOS DA SÚA XESTIÓN

Dirección Xeral de Mobilidade

III.1.6. PROGRAMA 512B: CONSTRUCCIÓN, CONSERVACIÓN E EXPLOTACIÓN DE ESTRADAS

DESCRICIÓN DO PROGRAMA

As infraestruturas, especialmente as viarias, son un elemento fundamental para o desenvolvemento económico e social dun país, en canto que constitúen instrumentos que vertebran o seu territorio, atendendo á seguridade viaria.

En consecuencia, os obxectivos deste programa están definidos nos distintos plans de actuacións e destinados á satisfacción de necesidades en materia de infraestruturas do transporte, que son:

- O Plan de Mobilidade e Orientación Viaria Estratéxica, que se complementa co PEIT elaborado polo Estado, e que se encadra nos documentos de referencia para as políticas estruturais da Unión Europea.
- O Plan de Seguridade Viaria 2011-2015, que recolle a estratexia definida para tratar de lograr un ambicioso obxectivo: a redución sostida do ratio de mortos e feridos graves en accidentes de tráfico por millón de habitantes, de xeito que Galicia se sitúe ao redor da media española.

O Plan de Mobilidade e Orientación Viaria Estratéxica engloba as actuacións que vaia desenvolver a consellería en materia de estradas, e coordínase tanto coas actuacións de infraestruturas noutras materias e a optimización dos modos de transporte, como coas actuacións doutras administracións, en especial coa Administración central do Estado.

Recole as actuacións concretas en materia de estradas, incluíndo as que correspondan aos programas de actuación en vías de altas prestacións, en vías estruturantes e complementarias, así como as asociadas ao programa de seguridade viaria e ao programa de mantemento e conservación. Tamén se contemplarán as actuacións específicas en medios urbanos.

NECESIDADES QUE TRATA DE ATENDER O PROGRAMA

Co programa de gasto 512B da Axencia Galega de Infraestruturas, atenderanse:

- I. As vías de Altas Prestacións (incluídas as concesións de obra pública) que corresponden coas infraestruturas denominadas estratéxicas.

2. As vías estruturantes e complementarias :
 - a) Novos eixes e variantes.
 - b) Adecuación e travesías.
 - c) Acondicionamento e mellora da rede de estradas convencionais.
3. As actuacións en medios urbanos, tratando de impulsar actuacións que permitan desenvolver e resolver os problemas nos accesos ás cidades, reducindo o nivel de conxestión.
4. O mantemento e conservación das estradas galegas. Para o ano 2012 require especial atención, co obxectivo de manter o estado das estradas nas debidas condicións de viabilidade, seguridade, limpeza, sinalización e comodidade. Cabe destacar o Plan de Viabilidade Invernal da Xunta de Galicia.
5. A seguridade viaria. Contemplaranse as accións incluídas no Plan de Seguridade Viaria 2011-2015, como compromiso da Xunta de Galicia na redución da sinistralidade e a minoración da gravidade dos accidentes de tráfico a través dun programa de actuación integral e coordinado entre todas as súas consellerías.

POBOACIÓN OU COLECTIVO AO QUE SE DIRIXE

Este programa non está soamente dirixido aos usuarios da estrada, senón que se beneficiará a toda a comunidade autónoma.

DETALLE DA SITUACIÓN DE PARTIDA

A evolución das infraestruturas viarias de Galicia estivo sempre moi influenciada polas súas singularidades territoriais. Un dos aspectos máis singulares é a dispersión dos asentamentos, co 50% das entidades de poboación de España, das que o 71% posúe menos de 50 habitantes. Este feito provoca que a rede de estradas sexa moi extensa (17.546 km), cunhas competencias repartidas entre o Estado (13%), a Xunta de Galicia (31%) e as Deputacións Provinciais (56%). (Fonte: Anuario Estatístico Ministerio de Fomento, 2009).

Outro dos condicionantes mais influentes é a súa topografía, debido a que o 77% do territorio ten características de terreo accidentado, o que repercute na dificultade do deseño e no custo das estradas.

Nos últimos anos a rede de estradas en Galicia foi experimentando un constante incremento na súa lonxitude, pasando dos 15.338 km de estradas existentes no ano 1990 ata os 17.546 km no ano 2009, o que supuxo un incremento total do 14,4% (máis de 2.200 km) na súa lonxitude en menos de 20 anos.

Concretamente, Galicia en materia de estradas presenta unha extensa rede, xestionada polas distintas administracións (Estado, Xunta, Deputacións Provinciais e Concellos). No caso das Vías de Altas Prestacións, a nosa comunidade autónoma sitúase, ao igual que co resto da rede, por riba da media estatal, tanto no que se refire á lonxitude da rede por superficie territorial como en relación a súa poboación.

Ademais, unha vez que as actuacións en materia de infraestruturas viarias que a día de hoxe se encontran en obras se poñan en servizo, suporá que ao redor do 77% da poboación encontrárase a menos de 15 minutos dunha Vía de Altas Prestacións.

DEFINICIÓN DO MARCO NO QUE SE DESENVOLVE O PROGRAMA

O marco legal e regulamentario que comprenden as actuacións deste programa é a Lei 4/1994, do 14 de setembro, de estradas de Galicia e os instrumentos de planificación son o Plan MOVE e o Plan e Seguridade Viaria 2011-2015.

FINALIDADE E ESTRATEXIA DO PROGRAMA

Son obxectivos deste programa conservar en bo estado as estradas da comunidade autónoma, ordenar e xerarquizar a rede de estradas a rede de estradas da Xunta de Galicia en coordinación coas iniciativas das distintas administracións, completar as comunicacións de Galicia co seu entorno (Asturias, Castela León e Portugal) e mellorar a accesibilidade ás cidades, aos espazos urbanos principais e ás grandes áreas industriais e loxísticas, situando ao 80% da poboación a menos de 15 minutos dunha vía de altas prestacións, integrando a seguridade viaria como criterio básico desde o propio deseño da infraestrutura.

Dentro do marco de planificación que é o “Plan Impulsa Lugo” estanse realizando os trámites correspondentes á expropiación dos bens e dereitos afectados polas obras de conexión do Porto Seco de Monforte coa rede de estradas do entorno. A conexión do Porto Seco coas estradas LU-933 e N-120 conta con proxecto de trazado e construción aprobado, así como co decreto de utilidade pública e urxente ocupación. En consecuencia, nos orzamentos da axencia galega de infraestruturas conta cun investimento total para o ano 2012 de 918.919€.

ÓRGANOS ENCARGADOS DA SÚA XESTIÓN

Axencia Galega de Infraestruturas

III.1.7. PROGRAMA 521A - URBANISMO

DESCRICIÓN DO PROGRAMA

O contido do programa é o desenvolvemento das actuacións necesarias para converter o territorio nun factor protagonista da competitividade e da igualdade e, polo tanto, nun axente activo de desenvolvemento económico e de cohesión social, e conseguir, mediante as oportunas intervencións de regulamentación sobre os usos do solo e accións de construción de edificacións, unha maior calidade de vida para os cidadáns.

Por outra banda, o obxectivo do programa consiste, así mesmo, na protección, xestión e ordenación da paisaxe de Galicia, na programación, dirección e control da política de ordenación do territorio e do litoral e na elaboración, mantemento e actualización da información xeográfica e cartográfica necesaria para o desenvolvemento de estudos territoriais.

Para acadar estes últimos obxectivos, neste programa actuarase en dúas vertentes: por un

lado na vertente “territorio e paisaxe”, e por outro na vertente “información xeográfica”.

NECESIDADES QUE TRATA DE ATENDER O PROGRAMA

A súa execución preséntase para dar solución ás seguintes necesidades:

De ordenación e planificación das actividades humanas sobre o territorio, pola carencia de figuras de ordenación do territorio e de plans de ordenación municipal que están a impedir o desenvolvemento ordenado do territorio e a aplicación de criterios de crecemento sostibles.

De implicación de todos os axentes sociais intervenientes para lograr, a través da cohesión social, o impulso de xeito decidido aos plans aprobados.

De fomento de iniciativas que contribúan a incrementar o interese dos suxeitos implicados para axilizar a xestión e posta en valor do contido dos plans e programas.

De humanización das vilas de Galicia tendo en conta o modelo social de integración cidadá de persoas nativas e inmigrantes para buscar o achegamento dos entramados urbanos aos seus habitantes mediante a adecuación e creación de espazos públicos para as necesidades vixentes.

De actividades de formación e orientación de profesionais e equipos colaboradores para concienciar aos cidadáns sobre a importancia da planificación e ordenación do territorio no benestar e na calidade de vida.

TERRITORIO E PAISAXE: As políticas públicas en materia de ordenación do territorio incardínanse e atopan a súa xustificación na Estratexia Territorial Europea 2020, que procura a cohesión dos territorios e a sostibilidade como eixos na ordenación territorial.

Así mesmo, a Lei da Paisaxe de Galicia (7/2008, de 7 de xullo) constitúe o marco de referencia para o desenvolvemento das políticas encamiñadas á protección, ordenación e xestión da paisaxe, así como á sensibilización cidadá. Nun marco de cooperación intra e interadministrativa. A lei establece unha serie de instrumentos dun enorme potencial polo seu carácter vinculante na ordenación territorial. Estes débense desenvolver a partires das prioridades definidas: dispor dos catálogos e directrices da paisaxe, as guías de integración paisaxística e o desenvolvemento de políticas de paisaxe en coordinación con outros departamentos da administración, a través de plans ou proxectos sectoriais.

INFORMACIÓN XEOGRÁFICA: Por outra banda, coas actuacións referidas á “información xeográfica”, dase cumprimento aos mandatos legais establecidos na Lei 14/2010, e no artigo 84.3 da LOUGA.

POBOACIÓN OU COLECTIVO AO QUE SE DIRIXE

O ámbito de aplicación das actuacións do programa abarca a totalidade do territorio da Comunidade autónoma, o que determina o seu carácter universal.

Coa implantación das actuacións que se propoñen, preténdese acadar o seguinte resultado: un territorio convertido en axente activo de desenvolvemento económico e cohesión social, un maior respecto polo medio ambiente e, en definitiva, mellores condicións de habitabilidade e benestar no contorno de relación social dos residentes na nosa comunidade, conservando e mellorando o necesario equilibrio de relación home-natureza.

TERRITORIO E PAISAXE: Na vertente “ territorio e paisaxe”, o programa ten carácter universal.

INFORMACIÓN XEOGRÁFICA: Na vertente “información xerográfica”, as actuacións diríxense en particular ás administracións e organismos de investigación, pero tamén á poboación en xeral.

DETALLE DA SITUACIÓN DE PARTIDA

A situación actual, dende a premisa do obrigado cumprimento da ordenación do territorio e da planificación urbana, está determinada polos seguintes datos significativos: por unha parte, o feito de que máis do 80% dos concellos de Galicia están redactando o seu planeamento municipal e, de feito, a Consellería de Medio Ambiente, Territorio e Infraestruturas xa ten iniciadas accións coa práctica totalidade das entidades municipais, para o cumprimento do obxectivo de que o planeamento acade a todo o territorio da comunidade autónoma, o que se pretende para o horizonte de 2015-2016.

Por outro lado, actuacións do plan Hurbe como elemento revitalizador do territorio e do reequilibrio territorial, mediante a realización dunha serie de actuacións en espazos de relación pública, co fin de contribuír ao desenvolvemento local desas zonas e poñer a disposición dos seus habitantes os valores de ditos espazos. Durante os últimos anos, asináronse máis de 50 acordos de colaboración con concellos, o 15 % do total para execucións destas actuacións; o obxectivo é acadar o 40% ata o ano 2014.

Así mesmo, cabe sinalar as execucións en investimento inmaterial relativas a investigación e divulgación de estudos en materia de urbanismo.

TERRITORIO E PAISAXE:

Fortaleza:

- As Directrices de Ordenación do Territorio e do Plan de Ordenación do litoral, como instrumentos de ordenación do territorio, son unha sólida ferramenta para acometer o reto da incorporación do coñecemento do territorio na praxes urbanística, superando as actuacións insostibles no territorio
- Dispónse dunha base de coñecemento e experiencia desenvolvida nos últimos dous anos para acometer con garantías a elaboración dos catálogos de paisaxe e os informes de integración paisaxística.

Oportunidades:

- Elaborar o regulamento que desenvolva a actual lei e que enmarque outras actuacións, de carácter sectorial, que teñan a paisaxe como eido vertebrador.

Ameazas:

- Non satisfacer o compromiso social que conleva a Lei de protección da Paisaxe de Galicia.

INFORMACIÓN XEOGRÁFICA:

Debilidade:

- A dispersión e falta de homoxeneidade, así como non dispor de información xeográfica coas características e calidades necesarias para poder ser empregada polas novas tecnoloxías (TIC_SIX).

Oportunidade:

- Dispoñer dunha tecnoloxía que permite obter a información xeográfica dun xeito innovador, cunha gran calidade e a un baixo custo.

DEFINICIÓN DO MARCO NO QUE SE DESENVOLVE O PROGRAMA

O marco legal de desenvolvemento das actuacións do programa de urbanismo ven determinado, por un lado, polo establecido na lexislación de ordenación do territorio e urbanística, en canto ás subvencións para a redacción do planeamento urbanístico ás entidades locais e, por outro, polos acordos de colaboración para a posta en valor do plan Hurbe, que se enmarcan no disposto pola lexislación de Réxime Local en canto lle corresponde á Comunidade Autónoma a prestación da cooperación e asistencia activa que as entidades locais puideran precisar para o eficaz cumprimento das súas tarefas, podendo levar a cabo, mediante subvencións eventuais ou continuas e a subscrición de convenios, as relacións de colaboración e cooperación económica. Cabe, así mesmo, mencionar a Lei 9/2007, do 13 de xuño, de subvencións de Galicia, e o seu Regulamento, como instrumentos normativos para desenvolver as actuacións do contido do programa.

TERRITORIO E PAISAXE: as actuacións enmárcanse dentro de:

- Lei 10/1995, de ordenación do territorio de Galicia e o seu regulamento.
- Lei 7/2008, do 7 de xullo, de protección da paisaxe de Galicia.
- Directrices de Ordenación do Territorio.
- Plan de Ordenación do Litoral.

INFORMACIÓN XEOGRÁFICA: as actuacións enmárcanse dentro de:

- Directiva 2007/2/CE do Parlamento Europeo e do Consello, do 14 de marzo de 2007, pola que se establece unha infraestrutura de información espacial na Comunidade Europea (INSPIRE).
- Real Decreto 1545/2007, de 23 de novembro, polo que se regula o Sistema Cartográfico Nacional.
- Lei 14/2010, do 5 de xullo, sobre as infraestruturas e os servizos de información xeográfica en España.
- Lei 9/2002, do 30 de decembro, de ordenación Ubanística e protección do medio rural de Galicia.

FINALIDADE E ESTRATEXIA DO PROGRAMA

Co desenvolvemento do programa preténdese a consecución da finalidade prevista que se describe do seguinte xeito:

- Manter e mellorar as iniciativas de fomento da redacción de figuras de planeamento municipal e supramunicipal, mediante axudas económicas e colaboracións coas corporacións e/ou outros entes locais da Comunidade Autónoma de Galicia.
- Fomentar a elaboración de planeamento sectorial para desenvolvemento e planificación de actuacións, sobre partes do territorio, que polas súas especificidades o requiran.
- Incentivar a dispoñibilidade de planeamento urbanístico municipal, mediante o financiamento da execución de actuacións de construción e mellora do contorno construído, mediante colaboracións cos concellos da nosa comunidade.
- Mellorar a calidade do ambiente urbano, mediante a implantación de edificios e outras infraestruturas de equipamentos en lugares estratéxicos definidos en colaboración coas entidades locais e comarcais.
- Colaborar con órganos e entidades para dispoñer de información territorial actualizada, a disposición de todos os cidadáns.
- Dotar á Secretaría Xeral de Ordenación do Territorio e Urbanismo dos medios e recursos técnicos axeitados para o desenvolvemento das súas funcións.

Para a consecución deste obxectivo, prevese a convocatoria pública de ordes de axudas dirixidas aos concellos para a redacción do seu planeamento urbanístico, a selección de actuacións para incluír no Plan Hurbe e formalización dos correspondentes acordos para a súa posta en valor. Con todo isto dáse solución a problemas concretos, ao poñer a disposición da cidadanía as infraestruturas do Plan Hurbe e de instrumentos de planeamento ás corporacións locais, para

un desenvolvemento harmónico das actuacións sobre o territorio.

TERRITORIO E PAISAXE: a incorporación dos criterios de sostibilidade emanados dos instrumentos de ordenación do territorio no planeamento urbanístico e mesmo nas accións territoriais públicas na procura da preservación dos valores non renovables do territorio no proceso de desenvolvemento necesario da sociedade.

Levar as cuestións da paisaxe á primeira liña de interese en materia de ordenación territorial en claves de sostibilidade e gobernanza cidadá, a través do desenvolvemento dos instrumentos de protección, xestión e ordenación da paisaxe contemplados na lei. En especial, os catálogos e directrices da paisaxe e mediante as estratexias de integración paisaxística das actuacións sectoriais.

INFORMACIÓN XEOGRÁFICA: co desenvolvemento das actuacións de información xeográfica, disporase e poñerase ao servizo da administración e da poboación en xeral a información básica para a planificación territorial e, deste xeito, formular actuacións integradas no marco dun desenvolvemento sustentable e empregando as novas ferramentas de xestión da información xeográfica TIC_SIX.

ÓRGANOS ENCARGADOS DA SÚA XESTIÓN

Secretaría Xeral de Ordenación do Territorio e Urbanismo.

Dirección Xeral de Sostibilidade e Paisaxe.

III.1.8. PROGRAMA 531A - PROMOCIÓN DE SOLO PARA ACTIVIDADES ECONÓMICAS

DESCRICIÓN DO PROGRAMA

NECESIDADE QUE TRATA DE ATENDER O PROGRAMA

A necesidade que trata de atender o programa 531A consiste, basicamente, en completar un mapa de solo industrial de Galicia con criterios de equilibrio territorial, accesibilidade e suficiencia de capacidade e equipamentos, realizando as funcións que neste ámbito lle corresponden ao Instituto Galego da Vivenda e Solo dentro das súas competencias, como son:

- Programar as necesidades de solo empresarial.
- Xestionar a adquisición do solo empresarial (por expropiación ou mutuo acordo).
- Propoñer a contratación e supervisar os plans e proxectos técnicos precisos para a promoción de solo, así como a xestión das obras de urbanización.
- Xestionar o alleamento de solo empresarial.

POBOACIÓN OU COLECTIVO AO QUE SE DIRIXE

O colectivo ao que se dirixe o programa 531A é o de persoas físicas ou xurídicas (e, dentro destas, públicas ou privadas) que adquiran as futuras parcelas urbanizadas de solo empresarial.

DETALLE DA SITUACIÓN DE PARTIDA

A situación da que se parte no programa 531A é a escaseza de solo empresarial no que situarse novas empresas e recolocarse e ampliarse as xa existentes. Segundo un estudo realizado recentemente, detectouse a escaseza de solo empresarial, en función da demanda existente, nas cidades de A Coruña, Lugo, Santiago, Pontevedra e Vigo.

Nos últimos anos, o IGVS veu realizando (directamente, ou a través de encomendas de xestión coas sociedades Xestur) a tramitación de planeamento para desenvolver parques a curto prazo (parques empresariais de Tamagos, Pazos-Verín, Barbanza, Cidade do Moble da Estrada...). Tamén se foi adquirindo solo nos parques de Pazos-Verín, Tamagos, Taboadela, Paderne de Allariz, Porto Seco de Monforte de Lemos, Taboada e Poio.

Dende novembro do ano 2010, o IGVS está a planificar a demanda de solo empresarial en toda Galicia. Para isto, está a tramitar un plan sectorial de áreas empresariais que vai determinar nun futuro os parques que cómpre desenvolver.

DEFINICIÓ DO MARCO NO QUE SE DESENVOLVE O PROGRAMA

O marco legal e regulamentario no que se desenvolve o programa 531A é o seguinte:

- Lei 3/1988, do 27 de abril, de creación do IGVS.
- Decreto 288/1988, do 29 de setembro, de desenvolvemento da referida lei.
- Decreto 253/2007, do 13 de decembro, de réxime xurídico do solo e das edificacións promovidas polo IGVS.

FINALIDADE E ESTRATEXIA DO PROGRAMA

O programa 531A ten por finalidade facilitar a implantación das actividades empresariais que contribúan ao impulso da actividade económica e ao fomento do emprego.

Para iso prevese o desenvolvemento de solo empresarial, para a súa posterior transmisión en condicións favorables de prazos e prezos de venda.

Dentro das actuacións do Plan Impulsa Ourense e Plan Impulsa Lugo cómpre destacar as que de seguido se relacionan:

I PLAN IMPULSA OURENSE:

ORGANISMO PROMOTOR	ACTUACIÓN	DESCRIPCIÓN	IMPORTE
XESTUR OURENSE SA	P.E. de Tamagos (Verín)	Adquisición de terreos	1.600.000

ORGANISMO PROMOTOR	ACTUACIÓN	DESCRIPCIÓN	IMPORTE
XESTUR OURENSE SA	P.E. de Pazos (Verín)	Obras de urbanización 1ª fase	2.481.992,59
XESTUR OURENSE SA	P.e. de Ríos	Adquisición de Terreos	100.000
XESTUR OURENSE SA	P.E. de Xinzo de Limia 5ª fase	Traballos Técnicos	40.000
XESTUR OURENSE SA	Todos Parques Ourense	Publicidade da dispoñibilidade de solo	18.000
Total importe			4.239.993

2 PLAN IMPULSA LUGO:

ORGANISMO PROMOTOR	ACTUACIÓN	DESCRIPCIÓN	IMPORTE
IGVS	P.E. Becerreá 2ª fase	Traballos técnicos	18.480
XESTUR LUGO	P.E. Pacios-Baamonde (Begonte)	Obras de urbanización	3.100.000
XESTUR LUGO	P.E. Cospeito-Muimenta (Ampliación)	Obras de urbanización	630.000
IGVS	Porto Seco de Monforte 1ª FASE	Remate Obras de urbanización	2.895.740
IGVS	P.E. Palas de Rei 2ª Fase	Traballos técnicos	19.525
IGVS	P.E. Taboada	Inicio Obras de urbanización e subministro eléctrico	459.943
IGVS	Plan Sectorial de Áreas Empresarias	Redacción do proxecto	253.800
Total importe			7.377.488

ÓRGANOS ENCARGADOS DA SÚA XESTIÓN

Instituto Galego da Vivenda e Solo

III.1.9. PROGRAMA 541A. DIRECCIÓN E SERVIZOS XERAIS DE AMBIENTE DESCRIPCIÓN DO PROGRAMA

Este programa dálle soporte ás actuacións horizontais da consellería en materia de medio ambiente, polo que serve de base para a execución do resto de programas neste ámbito competencial.

NECESIDADE QUE TRATA DE ATENDER O PROGRAMA

Este programa dálle soporte ás actuacións horizontais da consellería en materia de medio ambiente.

POBOACIÓN OU COLECTIVO AO QUE SE DIRIXE

Este programa ten carácter universal.

DETALLE DA SITUACIÓN DE PARTIDA

A comunidade autónoma debe seguir afondando na mellora ambiental de Galicia, dando este programa soporte ás actuacións horizontais da consellería nesta materia, polo que serve de base ao resto de programas neste ámbito competencial.

DEFINICIÓN DO MARCO NO QUE SE DESENVOLVE O PROGRAMA

Este programa desenvólvese dentro do marco legal da Lei 1/1995, de protección ambiental

de Galicia.

FINALIDADE E ESTRATEXIA DO PROGRAMA

- Xestión dos gastos correntes, así como dos investimentos materiais de carácter horizontal, precisos para o desenvolvemento das competencias atribuídas á consellería en materia de medio ambiente.
- Realización de estudos e traballos técnicos en temas xerais e demais actividades de apoio.
- Coordinación dos servizos e centros administrativos.

ÓRGANOS ENCARGADOS DA SÚA XESTIÓN

Secretaría Xeral de Calidade e Avaliación Ambiental

III.1.10. PROGRAMA 541D. CONTROL AMBIENTAL E XESTIÓN DE RESIDUOS

DESCRIPCIÓN DO PROGRAMA

O punto fundamental no que se centra este programa é a xestión de residuos.

NECESIDADES QUE TRATA DE ATENDER O PROGRAMA

Un obxectivo prioritario será lograr unha redución na produción dos residuos, mellorando os sistemas de prevención, así como incrementando a súa reutilización e reciclaxe, cun avance na mellora dos sistemas de xestión.

Así mesmo, seguirase avanzando na dotación á comunidade autónoma dos equipamentos, sistemas e infraestruturas necesarias que garantan unha axeitada xestión de residuos no noso territorio.

Outro aspecto básico será o control ambiental, ámbito no que se buscará o obxectivo xeral de previr, reducir e controlar calquera tipo de contaminación.

POBOACIÓN OU COLECTIVO AO QUE SE DIRIXE

Debemos distinguir dous ámbitos, un o referente á xestión de residuos e outro ao control ambiental.

I. Xestión de residuos:

- a) En materia de prevención e redución da produción, as actuacións irán dirixidas tanto a produtores como consumidores así como ás entidades locais, ó obxecto de propiciar un cambio progresivo nos procesos produtivos e nos hábitos de consumo así como nos modelos de xestión, promovendo un uso máis eficaz dos recursos.
- b) As actuacións vinculadas á recollida selectiva en orixe de todas as fraccións terán como eixe fundamental as entidades locais, ás que tamén irán dirixidas as ampliacións das infraestruturas ambientais de tratamento de residuos.

- c) As actividades relacionadas co fomento da formación e concienciación dirixiranse á cidadanía e ás distintas organizacións implicadas na xestión de residuos co obxecto de maximizar a implicación e os coñecementos da poboación e dos xestores.
2. Control ambiental:
- a) As actuacións de mellora da avaliación ambiental incidirán de xeito claro nas entidades locais galegas así como no sector empresarial, ao potenciar a rápida resolución dos procedementos, dentro do rigor absoluto ao disposto na normativa ambiental.
 - b) O fomento de novas tecnoloxías dirixidas á prevención e redución da contaminación ambiental, en particular a redución dos residuos e emisións de gases efectos invernadoiro, así como á implantación de sistemas de xestión e control ambiental teñen como público obxectivo o sector empresarial galego.
 - c) As actuacións dirixidas á mellora e mantemento das redes de estacións de medida dos distintos factores que integran o control da calidade ambiental, en particular da rede de captación e transmisión dos datos así como o resto das actuacións desenvolvidas polo Laboratorio de Medio Ambiente de Galicia, ten como obxectivo actuar sobre as empresas para garantir a calidade de vida da poboación.

DETALLE DA SITUACIÓN DE PARTIDA

A Comunidade Autónoma de Galicia debe seguir afondando na colaboración cos concellos e empresas galegas na procura dunha xestión integral dos residuos, tanto urbanos como industrias que nela se xeran, merecendo especial mención a necesaria e progresiva consecución do Plan de xestión de residuos urbanos de Galicia 2010-2020.

Así mesmo resulta necesario establecer os mecanismos necesarios para o control ambiental das actividades industriais galegas tendo como obxectivo a redución do seu impacto ambiental.

DEFINICIÓN DO MARCO NO QUE SE DESENVOLVE O PROGRAMA

- Lei 1/1995, de protección ambiental de Galicia.
- Lei 16/2002, de prevención e control integrado da contaminación.
- Lei 10/2008, de residuos de Galicia.
- Decreto 174/2005, polo que regula o réxime xurídico da produción e xestión de residuos e o Rexistro xeral de produtores e xestores de Galicia.
- Decreto 442/1990, de avaliación de impacto ambiental de Galicia.
- Decreto 133/2008, polo que se regula a avaliación de incidencia ambiental.
- Real Decreto 9/2005, polo que se establece a relación de actividades potencialmente contaminante do solo e os criterios e estándares para a declaración de solos contaminados.
- Decreto 60/2009 sobre solos potencialmente contaminados e procedementos para a declaración de solos contaminados.

- Decreto 185/1999, polo que se establece o procedemento para a aplicación, na comunidade autónoma galega, dun sistema voluntario de xestión e auditoría medioambiental.

FINALIDADE E ESTRATEXIA DO PROGRAMA

Segundo o disposto no punto anterior, dividiranse as actuacións previstas en dous apartados, un referente á xestión de residuos e outro ao control ambiental.

XESTIÓN DE RESIDUOS:

Neste eido debe destacarse a continuidade na implantación progresiva do Plan de Xestión de Residuos Urbanos de Galicia 2010-2020, con actuacións que se estenden a diferentes ámbitos:

- Prevención e redución da produción, partindo dunha política de prevención e comunicación a todos os niveis (produtores, consumidores, entidades locais, etc), propiciando un cambio progresivo nos procesos produtivos e nos hábitos de consumo, así como nos modelos de xestión, promovendo un uso máis eficaz dos recursos.
- Fomento da recollida selectiva en orixe de todas as fraccións, promovendo o mercado da reciclaxe a través do aumento da dispoñibilidade de información, así como da súa promoción na contratación pública.
- Ampliación das infraestruturas ambientais de tratamento de residuos da nosa Comunidade.
- Fomento da formación e concienciación, co fin de implicar á cidadanía e ás distintas organizacións nas actuacións de xestión de residuos, e maximizar a implicación e os coñecementos da poboación e dos xestores.
- Potenciar os medios que garantan a calidade e transparencia da información nesta materia, a través da creación dun sistema compartido e homoxéneo de información estatística, que estea a disposición da poboación e que sexa facilmente comprensible.

Dentro do Plan Impulsa Ourense continuarase coa construción de novos puntos limpos na provincia que permita ampliar a prestación deste servizo a unha maior porcentaxe de poboación.

En canto a redución do impacto das canteiras e vertedoiros de pizarra traballarase nas accións necesarias para a posta en marcha dos plans de inspección e restauración das explotacións de pizarra potenciando a súa exhaustividade na corrección dos impactos ambientais derivados do seu funcionamento

Estas actuacións concrétnanse no proxecto 2008 00506 "Xestión de residuos domésticos"

CONTROL AMBIENTAL:

Mellora da avaliación ambiental, para o cal están previstas as seguintes actuacións:

- Establecemento dos procedementos que garantan que as declaracións de impacto e efectos ambientais, así como as autorizacións ambientais integradas, sexan resoltas no menor tempo posible e dentro do rigor absoluto ao disposto na normativa ambiental.
- Posta en marcha de actuacións de minimización de impactos.
- Fomento da introdución nas empresas de novas tecnoloxías, dirixidas á prevención e redución da contaminación ambiental, en particular á redución dos residuos e emisións de gases efectos invernadoiro, así como á implantación de sistemas de xestión e control ambiental.
- Mellora e mantemento das redes de estacións de medida dos distintos factores que integran o control da calidade ambiental, en particular da rede de captación e transmisión dos datos.
- Impulso das actuacións desenvolvidas polo Laboratorio de Medio Ambiente de Galicia, potenciando as súas acreditacións, coa finalidade de asegurar a máxima calidade nas análíticas realizadas.

Dentro do Plan Impulsa Lugo prestarase especial atención ás empresas lucenses nos proxectos que se presenten ao abeiro da convocatoria de axudas ás pequenas e medianas empresas para o financiamento de actuacións destinadas á prevención, protección e coñecemento ambiental, a efectos de conseguir unha clara mellora na súa calidade e xestión ambiental, tolo elo financiado co cargo ao proxecto 2012 00068 “ Programa de inversións ambientais nas empresa de Galicia”.

ÓRGANOS ENCARGADOS DA SÚA XESTIÓN

Secretaría Xeral de Calidade e Avaliación Ambiental

III.1.11. PROGRAMA 541E - COÑECEMENTO DO MEDIO AMBIENTE E FOMENTO DA SUSTENTABILIDADE

DESCRICIÓN DO PROGRAMA

Os obxectivos do programa consisten en:

- Promover a cultura da sostibilidade.
- O coñecemento do medio, coa consecución duns niveis óptimos de investigación, observación e información ambiental.

Polo que respecta ao primeiro, vertébrase principalmente en tres eidos: por un lado, preparación da estratexia de desenvolvemento sostible; por outro, a través de programas de educación para a sostibilidade en centros educativos; e a través do desenvolvemento de programas

vinculados coa ordenación e xestión do territorio no ámbito da sostibilidade.

NECESIDADES QUE TRATA DE ATENDER O PROGRAMA

Este programa ten como obxectivo o coñecemento do medio e a consecución duns niveis óptimos de investigación, observación e información ambiental.

POBOACIÓN OU COLECTIVO AO QUE SE DIRIXE

O obxecto do mesmo determina o carácter universal deste programa.

DETALLE DA SITUACIÓN DE PARTIDA

Neste programa debemos diferenciar

1. En materia de cambio climático:
 - a) Debe proseguirse coas actuacións de redución de emisións, adaptación ao cambio climático, investigación, observación, divulgación e formación, acometidas ata a data.
Así mesmo deben levarse a cabo todas as actuacións necesarias para incorporar a Galicia o novo paquete europeo de enerxía e cambio climático, en particular no referente o comercio de dereitos de emisión de gases de efecto invernadoiro.
2. En materia de información en investigación ambiental:
 - a) As actuacións no eido da información ambiental veñen marcadas pola necesidade de proporcionar unha mellor e máis completa información á sociedade sobre o estado do medio ambiente e as variables relacionadas co desenvolvemento sostible.
 - b) En materia de observación e predición ambiental non debe esquecerse que a situación xeográfica de Galicia fai que sexa receptora de importantes perturbacións meteorolóxicas, polo que necesita dispor dunha predición específica e local, co fin de apoiar o exercicio das competencias da Xunta de Galicia en materia de medio ambiente, pesca, agricultura, protección civil, turismo, sanidade, obras públicas, etc. A elaboración dunha predición meteorolóxica de calidade permitirá facilitar a adopción de medidas preventivas para protexer a poboación e os diferentes sectores fronte ás situacións meteorolóxicas potencialmente adversas.

Así mesmo no ano 2012, consolidarase a Rede de Observación Ambiental de Galicia, na que se potenciarán as medidas de calidade das augas, tanto continentais como mariñas costeiras e de transición, para dar resposta a Directiva Marco da Auga, especialmente:

- Desenvolvendo sistemas de investigación e información capaces de ampliar o coñecemento sobre o comportamento dos sistemas naturais, necesario para previr, mitigar e restaurar os efectos que o cambio ambiental ou os eventos adversos accidentais produzan sobre os ecosistemas
- Impulsando a investigación en prevención de riscos naturais que permita desenvolver os modelos predictivos e plans de continxencia axeitados para previr riscos meteorolóxi-

cos, de incendios, derivados de vertidos acuáticos e mariños e de emisións á atmosfera.

DEFINICIÓN DO MARCO NO QUE SE DESENVOLVE O PROGRAMA

Estas actuacións desenvólense dentro do marco da Directiva Marco de Auga e do Programa Marco de Cambio Climático, en desenvolvemento.

FINALIDADE E ESTRATEXIA DO PROGRAMA

ESTRATEXIA DE DESENVOLVEMENTO SOSTIBLE DE GALICIA

Sentar as bases dunha acción coordinada e consensuada de goberno, que sexa quen de conducir a unha sociedade máis cohesionada e respectuosa coa necesaria conservación activa dos recursos naturais. Establecer un Sistema de Indicadores de Sostibilidade de Galicia, que permita monitorizar o proceso.

PROGRAMA DE EDUCACIÓN SOSTIBLE EN CENTROS EDUCATIVOS

Darase apoio ao labor pedagóxico do profesorado, de cara a realizar, por parte do alumnado, accións de mellora do entorno que sexan medibles.

PROGRAMA VINCULADO Á ORDENACIÓN E XESTIÓN DO TERRITORIO NO MARCO DA SOSTIBILIDADE

Trasladar á poboación a importancia da ordenación territorial e da necesidade da contribución individual no desenvolvemento sostible do territorio.

Polo que respecta ao obxectivo de coñecemento do medio, investigación, observación e información ambiental, as actividades a desenvolver serán as seguintes:

ACCÍONS FRONTE O CAMBIO CLIMÁTICO

Durante o ano 2012:

- Proseguirase coas actuacións de redución de emisións, adaptación ao cambio climático, investigación, observación, divulgación e formación, acometidas en exercicios anteriores.
- Así mesmo, seguiranse levando a cabo todas as actuacións necesarias para incorporar a Galicia o novo paquete europeo de enerxía e cambio climático, en particular no referente ao comercio de dereitos de emisións de gases de efecto invernadoiro.
- Fomentarase a divulgación e formación sobre os efectos deste fenómeno global e as formas de colaboración entre os cidadáns galegos: obradoiros, páxina web, exposicións, calculadora de CO₂, documentais, etc.

INFORMACIÓN EN INVESTIGACIÓN AMBIENTAL

- Mantemento do Sistema de Información Ambiental (SIAM). As actuacións no eido da información ambiental veñen marcadas pola necesidade de proporcionar unha mellor e máis completa información á sociedade sobre o estado do medio ambiente e as variables relacionadas co desenvolvemento sostible. Esta necesidade ven determinada, non só por unha cada vez máis rigorosa normativa de ámbito comunitario (en particular, a derivada da Convención de Aarhus), senón pola imprescindible participación e plena implicación dos cidadáns nas cuestións de índole medioambiental. Para estes efectos empréganse, fundamentalmente, dous instrumentos: a páxina web e o Sistema de Información Ambiental (SIAM), que incorporará información actualizada de calidade. Así mesmo, potenciarase coa publicación dos indicadores ambientais de Galicia.
- Observación e predición ambiental. A situación xeográfica de Galicia fai que sexa receptora de importantes perturbacións meteorolóxicas, polo que necesita dispor dunha predición específica e local, co fin de apoiar ao exercicio das competencias da Xunta de Galicia en materia de medio ambiente, pesca, agricultura, protección civil, turismo, sanidade, obras públicas, etc. A elaboración dunha predición meteorolóxica de calidade permitirá facilitar a adopción de medidas preventivas para protexer á poboación e aos diferentes sectores fronte ás situacións meteorolóxicas potencialmente adversas. No ano 2012, consolidarase a Rede de Observación Ambiental de Galicia (ROAGA), na que se potenciarán as medidas de calidade das augas, tanto continentais como mariñas costeiras e de transición, para dar resposta á Directiva Marco da Auga.
- Fomento da investigación ambiental. As actuacións en materia de investigación artícularanse en torno aos seguintes obxectivos:
 - Desenvolver proxectos de investigación, tanto exclusivos da nosa comunidade autónoma como integrados noutros de carácter nacional ou de ámbito europeo, traballando de modo coordinado con outros grupos de investigación dos diferentes ámbitos citados. Continuarase cos proxectos de investigación xa comezados, procurando traducir os resultados dos mesmos en aplicacións operativas.
 - Complementar a rede de observación do territorio de Galicia con sistemas de investigación e información capaces de desenvolver o coñecemento sobre o comportamento dos sistemas naturais, necesario para previr, mitigar e restaurar os efectos que o cambio ambiental ou os eventos adversos accidentais produzan sobre os ecosistemas.
 - Impulsar a investigación en prevención de riscos naturais, que permita desenvolver os modelos predictivos e plans de continxencia axeitados, para previr riscos meteorolóxicos, de incendios, derivados de verquidos acuáticos e mariños e de emisións á atmosfera.
 - Impulsar a investigación e observación en meteoroloxía e oceanografía, mellorando así a predición meteorolóxica e oceanográfica da nosa comunidade.
 - Impulsar a investigación nas empresas de Galicia, facilitando o desenvolvemento e seguimento de proxectos de investigación desenvolvidos nelas.

ÓRGANOS ENCARGADOS DA SÚA XESTIÓN

Secretaría Xeral de Calidade e Avaliación Ambiental

Dirección Xeral de Sostibilidade e Paisaxe

IV. CADROS DE OBXECTIVOS POR PROGRAMA

OBXECTIVOS DE PROGRAMA

Prog.	Obxectivos Extratécnicos	Indicador	Valor Final
	Obxectivos Operativos		
451A FOMENTO DA REHABILITACIÓN E DA CALIDADE DA VIVENDA			
	Promover a calidade da vivenda e da rehabilitación		
	Fomento da rehabilitación de vivendas e edificios de vivendas	Expedientes tramitados (Nº)	111
		Vivendas e edificios rehabilitados (Nº)	2
		Vivendas e locais rehabilitados e/ou en proceso de rehabilitación (Nº)	800
		Vivendas e locais reparados e/ou en proceso de reparación (Nº)	303
	Fomento da rehabilitación en Areas de Rehabilitación (ARIS)	Convenios e/ou acordos asinados (Nº)	85
		Vivendas rehabilitadas en ARIS (Nº)	573
	Reforma de barrios e renovación urbán.	Vivendas e edificios rehabilitados (Nº)	3
	Soporte xeral - Desenvolvemento equilibrado e sostible do territorio eliminando as disparidades territoriais e integrando a Galicia como cidade única		
	Soporte xeral - Desenvolvemento equilibrado e sostible do territorio eliminando as disparidades territoriais e integrando a Galicia como cidade única	Sen indicador	
451B ACCESO Á VIVENDA			
	Establecemento de políticas que faciliten o acceso a vivenda, en propiedade ou en réxime de aluguer, especialmente aos colectivos desfavorecidos		
	Fomento da adquisición de vivenda	Vivendas/aloxamentos con concesión da subvención da CA (Nº)	628
	Fomento do acceso á vivenda en réxime de alugueiro.	Persoas beneficiadas (total) (Nº)	1.900
		Vivendas alugadas (Nº)	2.500
		Vivendas/aloxamentos con concesión da subvención da CA (Nº)	304
		Vivendas/aloxamentos con concesión da subvención estatal (Nº)	243
	Promoción de solo residencial para vivenda protexida	Edificabilidade obtida do solo urbanizado (m2)	86.560
		Superficie de planeamento aprobado (m2)	400.000
		Superficie de planeamento en tramitación (m2)	9.453.233
		Superficie de solo adquirido (m2)	4.620
		Superficie de solo urbanizado (m2)	58.954
	Promoción pública de vivendas	Locais construídos e/ou en proceso de construción (Nº)	23
		Vivendas construídas e/ou en proceso de construción (Nº)	456
	Soporte xeral - Impulsar a igualdade de oportunidades, a inclusión social e a mellora dos servizos sociais		
	Soporte xeral - Impulsar a igualdade de oportunidades, a inclusión social e a mellora dos servizos sociais	Sen indicador	
451C DIRECCIÓN E SERVIZOS XERAIS DE VIVENDA E SOLO			
	Soporte xeral - Impulsar a igualdade de oportunidades, a inclusión social e a mellora dos servizos sociais		
	Soporte xeral - Impulsar a igualdade de oportunidades, a inclusión social e a mellora dos servizos sociais	Sen indicador	
511A DIRECCIÓN E SERVIZOS XERAIS DE TERRITORIO E INFRAESTRUTURAS			
	Soporte xeral - Facilitar a mobilidade das persoas e o acceso a os mercados, aumentando a accesibilidade do territorio e mellorar as redes de transporte e a seguridade vial		
	Soporte xeral - Facilitar a mobilidade das persoas e o acceso a os mercados, aumentando a accesibilidade do territorio e mellorar as redes de transporte e a seguridade vial	Sen indicador	
512A ORDENACIÓN E INSPECCIÓN DO TRANSPORTE			

OBXECTIVOS DE PROGRAMA

Impulso do transporte metropolitano nas 7 áreas metropolitanas cunha política tarifaria común		
Mellora da Mobilidade e do transporte: Plan de Transporte Metropolitano de Galicia nas 7 principais aglomeracións urbanas galegas.	Viaxeiros (total persoas) (Nº)	7.000.000
Promoción da mobilidade sostible.	Actuacións de estudo, difusión e promoción (Nº)	3
	Proxectos dirixidos a mellorar os sistemas de transporte público urban e incrementar a súa utilización por parte da pobo	1
Incorporar novos sistemas de transporte para articular unha mobilidade metropolitana sostible, impulsando os proxectos de metro lixeiro da Coruña, Santiago de Compostela e Vigo		
Estudios de viabilidade de metros lixeiros	Estudios de viabilidade de metros lixeiros e de tranvías realizados (Nº)	1
Impulso dunha rede de sendas peonís e carriles bici, separados das zonas de circulación dos vehículos.	Actuacións de estudo, difusión e promoción (Nº)	1
Construcción de intercambiadores e estacións intermodais de transporte de mercadorías e viaxeiros, deseñando áreas de descanso e aparcadoiros disuasorios		
Creación e adecuación de áreas de estacionamento de segundo nivel e de aparcamentos disuasorios conectados coa rede de transporte público e eliminación de barreiras arquitectónicas.	Actuacións de estudo, difusión e promoción (Nº)	1
Proxectos de centros intermodais de transporte de mercancías.	Centros de viaxeiros e/ou de mercancías construídos ou dotados de infraestrutura necesaria para potenciar o transporte	1
Mellora do transporte público de viaxeiros no ámbito rural		
Ampliación e mellora da oferta de transporte no ámbito rural, mediante a reordenación zonal dos servizos e a posta en marcha de solucións específicas (transporte á demanda, etc).	Servizos de transporte á demanda (Nº)	4
Soporte xeral - Facilitar a mobilidade das persoas e o acceso a os mercados, aumentando a accesibilidade do territorio e mellorar as redes de transporte e a seguridade vial		
Soporte xeral - Facilitar a mobilidade das persoas e o acceso a os mercados, aumentando a accesibilidade do territorio e mellorar as redes de transporte e a seguridade vial	Sen indicador	
512B CONSTRUCCIÓN, CONSERVACIÓN E EXPLOTACIÓN DE ESTRADAS		
Construcción de Vías de Altas Prestacións (VAPs)		
Construcción de VAPs: Execución VAP's contempladas no Plan MOVE 2009 - 2015; Accións para fortalecer a rede viaria de altas prestacións; Actuacións complementarias ao PEIT 2005-2020; e Articulación do territorio coa rede de vías de altas prestacións.	Km equivalentes da rede viaria de VAPs desdobradas (Km)	1
	Proxectos (Nº)	1
	Proxectos de conexión e centralización de tecidos urbanos (Nº)	1
	VAPs novos construídos (Km)	1
Actuacións na rede de estradas convencional		
Actuacións na rede de estradas convencional: Accións de construción de estradas de articulación territorial e de conexión interior e de acceso as áreas metropolitanas; Accións para a execución de novas estradas e variantes de poboación; Accións para o acondicionamento e mellora da rede de estradas; e Accións para a transformación das travesías en viarios acordes o ámbito urbano.	Acondicionamento e mellora da rede de estradas convencionais (Km)	1
	Actuacións en estradas de ámbitos urbanos (Km)	1
	Km de rede actuados (novos eixos e variantes, actuacións de acondicionamento e mellora, actuacións en ámbitos urbanos) (	1
	Novos eixos e variantes da rede convencional completando a rede de itinerarios de longo e medio percorrido (Km)	1
	Proxectos de conexión e centralización de tecidos urbanos (Nº)	1
Desenvolver un programa galego para a seguridade vial e para o mantemento e conservación das estradas adicando o 3% de valor patrimonial da rede viaria		
Accións para a conservación e reforzo de firmes.	Actuacións en conservación realizadas (Nº)	1
Desenvolver un programa galego para a Seguridade Vial, actuando, entre outras medidas, na eliminación de Tramos con Concentración de Accidentes.	Estradas reconstruídas ou reformadas (Km)	1
	TCAs eliminados (Nº)	1
Mantemento, xestión e conservación da rede de estradas autonómicas	Proxectos (Nº)	1

OBXECTIVOS DE PROGRAMA

Soporte xeral - Facilitar a mobilidade das persoas e o acceso a os mercados, aumentando a accesibilidade do territorio e mellorar as redes de transporte e a seguridade vial Soporte xeral - Facilitar a mobilidade das persoas e o acceso a os mercados, aumentando a accesibilidade do territorio e mellorar as redes de transporte e a seguridade vial	Proxectos de conexión e centralización de tecidos urbanos (Nº)	1
	Sen indicador	
521A URBANISMO		
Creación e desenvolvemento da paisaxe e das áreas urbás xeradoras de mellores servizos, máis eficientes e integradoras territorialmente		
Accións para a investigación en materia de urbanismo e ordenación do territorio.	Actuacións de estudo, difusión e promoción (Nº)	20
Accións para racionalizar o crecemento residencial urbano e dos núcleos rurais	POUM aprobados (Nº)	173
	POUM en elaboración (Nº)	173
	Proxectos de desenvolvemento urbán (Nº)	23
Elaboración das Directrices e Instrumentos para a ordenación do territorio	Actuacións de estudo, difusión e promoción (Nº)	2
Posta en valor do Plan HURBE en colaboración coas entidades locais da comunidade autónoma		
Accións para financiamento e/ou cofinanciamento de infraestruturas municipais básicas	Proxectos de rexeneración urbana (Nº)	12
Creación do Sistema de Información Xeográfico e Corporativo da Xunta de Galicia		
Accións encamiñadas a elaboración dunha cartografía SIX escala mínima 1:5.000 de toda Galicia	Aplicacións desenvolvidas (Nº)	1
	Hectáreas cartografiadas (Hectáreas)	1.600.000
Soporte xeral - Desenvolvemento equilibrado e sostible do territorio eliminando as disparidades territoriais e integrando a Galicia como cidade única		
Soporte xeral - Desenvolvemento equilibrado e sostible do territorio eliminando as disparidades territoriais e integrando a Galicia como cidade única	Sen indicador	
531A PROMOCIÓN DE SOLO PARA ACTIVIDADES ECONÓMICAS		
Completar un mapa de solo industrial de Galicia con criterios de equilibrio territorial, accesibilidade e suficiencia de capacidade e equipamentos		
Desenvolvemento do Plan de Solo Empresarial 2009-2015	Superficie de planeamento aprobado (m2)	378.825
	Superficie de planeamento en tramitación (m2)	1.196.725
	Superficie de solo en proceso de urbanización (m2)	54.517
	Superficie de solo urbanizado (m2)	129.261
Soporte xeral - Internacionalizar a economía galega, fomentando o investimento empresarial, o espírito emprendedor e a innovación nas empresas		
Soporte xeral - Internacionalizar a economía galega, fomentando o investimento empresarial, o espírito emprendedor e a innovación nas empresas	Sen indicador	
541A DIRECCIÓN E SERVIZOS XERAIS DE MEDIO AMBIENTE		
Soporte xeral - Convertir o contorno natural nun factor positivo para o desenvolvemento de Galicia e unha mellora da calidade de vida		
Soporte xeral - Convertir o contorno natural nun factor positivo para o desenvolvemento de Galicia e unha mellora da calidade de vida	Sen indicador	
541D CONTROL AMBIENTAL E XESTIÓN DE RESIDUOS		
Ordenación do territorio e política medioambiental para a posta en valor da natureza e a paisaxe		
Accións para reducir o impacto ambiental das actividades industriais	Empresas beneficiadas (PEMES) (Nº)	701
	Proxectos de carácter medioambiental (Nº)	1
	Proxectos realizados (Nº)	3
Aumentar os controis sobre a calidade do aire.	Proxectos de mellora da calidade do aire (Nº)	14
Optimización da Xestión de Residuos		
Accións para a consecución de "vertido cero" en vertedoiros non autorizados en 2011.	Proxectos de residuos (Nº)	1
Accións para aumentar as porcentaxes de valorización material total de FORM, papel e cartón, vidro, envases e outros residuos.	Plantas de transferencia e/ou tratamento creadas (Nº)	13
	Proxectos de residuos (Nº)	1
	Superficie recuperada e/ou rehabilitada (Hectáreas)	0

OBXECTIVOS DE PROGRAMA

Desenvolvemento de proxectos sectoriais de reciclaxe de materiais ou de recuperación medioambiental	Proxectos de residuos (Nº)	1
Soporte xeral - Convertir o contorno natural nun factor positivo para o desenvolvemento de Galicia e unha mellora da calidade de vida		
Soporte xeral - Convertir o contorno natural nun factor positivo para o desenvolvemento de Galicia e unha mellora da calidade de vida	Sen indicador	
541E COÑECEMENTO DO MEDIO AMBIENTE E FOMENTO DA SUSTENTABILIDADE		
Ordenación do territorio e política medioambiental para a posta en valor da natureza e a paisaxe		
Accións de educación para a sostiabilidade	Campañas de educación ambiental desenvolvidas (Nº)	1
Accións para a observación e predicción ambiental, atendendo especialmente aos sistemas ecolóxicos galegos	Instalacións de seguimento e control creadas (Nº)	1
	Proxectos realizados (Nº)	1
Accións para o desenvolvemento do Plan de Sostiabilidade de Galicia	Actuacións de estudo, difusión e promoción (Nº)	2
Soporte xeral - Convertir o contorno natural nun factor positivo para o desenvolvemento de Galicia e unha mellora da calidade de vida		
Soporte xeral - Convertir o contorno natural nun factor positivo para o desenvolvemento de Galicia e unha mellora da calidade de vida	Sen indicador	
542A PLANIFICACIÓN E XESTIÓN HIDROLÓXICA		
Soporte xeral - Convertir o contorno natural nun factor positivo para o desenvolvemento de Galicia e unha mellora da calidade de vida		
Soporte xeral - Convertir o contorno natural nun factor positivo para o desenvolvemento de Galicia e unha mellora da calidade de vida	Sen indicador	

V. CADROS NUMÉRICOS

Orzamento consolidado. Distribución dos créditos por programas e servizos

Programas	Servizos				
	01	02	03	04	05
511A-Dirección e servizos xerais de Territorio e Infraestruturas	6.568				
512A-Ordenación e inspección do transporte				16.690	
521A-Urbanismo	3.422	20.876			1.467
541A-Dirección e servizos xerais de medio ambiente	1.990		1.056		
541D-Control ambiental e xestión de residuos			23.653		
541E-Coñecemento do medio ambiente e fomento da sustentabilidade			2.363		2.084
542A-Planificación e xestión hidrolóxica	61.239				
Total	73.220	20.876	27.072	16.690	3.551

(Orzamento 2011 homoxeneizado) (Miles de Euros)

Orzamento consolidado. Distribución dos créditos por programas e servizos (continuación)

Programas	Servizos			
	06	83	A1	Total
451A-Fomento da rehabilitación e da calidade da vivenda		24.930		24.930
451B-Acceso á vivenda		49.616		49.616
451C-Dirección e servizos xerais de vivenda e solo		14.477		14.477
511A-Dirección e servizos xerais de Territorio e Infraestruturas	1.039			7.608
512A-Ordenación e inspección do transporte				16.690
512B-Construción, conservación e explotación de estradas			283.454	283.454
521A-Urbanismo				25.765
531A-Promoción de solo para actividades económicas		4.061		4.061
541A-Dirección e servizos xerais de medio ambiente				3.046
541D-Control ambiental e xestión de residuos				23.653
541E-Coñecemento do medio ambiente e fomento da sustentabilidade				4.447
542A-Planificación e xestión hidrolóxica				61.239
Total	1.039	93.084	283.454	518.986

(Orzamento 2011 homoxeneizado) (Miles de Euros)

Orçamento consolidado. Distribución dos créditos por programas e capítulos

Programas	Capítulos							
	I	II	III	IV	VI	VII	VIII	Total
451A-Fomento da rehabilitación e da calidade da vivenda				2.330	6.184	16.416		24.930
451B-Acceso á vivenda				8.911	27.231	12.474	1.000	49.616
451C-Dirección e servizos xerais de vivenda e solo	10.300	2.790		140	1.200	7	40	14.477
511A-Dirección e servizos xerais de Territorio e Infraestruturas	4.666	641		15	2.285			7.608
512A-Ordenación e inspección do transporte	3.471	644		7.539	4.386	650		16.690
512B-Construción, conservación e explotación de estradas	13.291	1.036	210	7.422	251.035	10.460		283.454
521A-Urbanismo	3.736	175		3.417	9.667	8.771		25.765
531A-Promoción de solo para actividades económicas					3.876		185	4.061
541A-Dirección e servizos xerais de medio ambiente	1.990	986			70			3.046
541D-Control ambiental e xestión de residuos	4.119				12.291	7.243		23.653
541E-Coñecemento do medio ambiente e fomento da sustentabilidade	1.950			50	2.448			4.447
542A-Planificación e xestión hidrolóxica				474		60.765		61.239
Total	43.523	6.271	210	30.299	320.673	116.785	1.225	518.986

(Orçamento 2011 homoxeneizado) (Miles de Euros)

DISTRIBUCIÓN ORGÁNICA

01 SECRETARÍA XERAL TECNICA	2011	2012	% Var.
Cap. I - Gastos de persoal	6.527	6.020	-7,8
Cap. II - Gastos en bens correntes e servizos	357	454	27,4
Cap. IV - Transferencias correntes	8.597	3.906	-54,6
Cap. VI - Investimentos reais	2.442	2.069	-15,3
Cap. VII - Transferencias de capital	78.882	60.770	-23,0
Total	96.804	73.220	-24,4

(Orçamento 2011 homoxeneizado) (Miles de Euros)

02 S.X. DE ORDENACIÓN DO TERRITORIO E URB.	2011	2012	% Var.
Cap. I - Gastos de persoal	3.666	3.736	1,9
Cap. II - Gastos en bens correntes e servizos	178	175	-2,1
Cap. VI - Investimentos reais	7.226	8.200	13,5
Cap. VII - Transferencias de capital	12.460	8.766	-29,6
Total	23.530	20.876	-11,3

(Orçamento 2011 homoxeneizado) (Miles de Euros)

03 S.X DE CALIDADE E AVALIACIÓN AMBIENTAL	2011	2012	% Var.
Cap. I - Gastos de persoal	3.302	4.119	24,7
Cap. II - Gastos en bens correntes e servizos	1.286	986	-23,3
Cap. IV - Transferencias correntes	590	0	-100,0
Cap. VI - Investimentos reais	14.265	14.724	3,2
Cap. VII - Transferencias de capital	5.261	7.243	37,7
Total	24.704	27.072	9,6

(Orzamento 2011 homoxeneizado) (Miles de Euros)

04 D.X. DE MOBILIDADE	2011	2012	% Var.
Cap. I - Gastos de persoal	3.447	3.471	0,7
Cap. II - Gastos en bens correntes e servizos	490	644	31,3
Cap. IV - Transferencias correntes	6.936	7.539	8,7
Cap. VI - Investimentos reais	6.801	4.386	-35,5
Cap. VII - Transferencias de capital	4.142	650	-84,3
Total	21.816	16.690	-23,5

(Orzamento 2011 homoxeneizado) (Miles de Euros)

05 D.X. DE SOSTIBILIDADE E PAISAXE	2011	2012	% Var.
Cap. I - Gastos de persoal	1.078	1.950	80,8
Cap. IV - Transferencias correntes	82	50	-39,1
Cap. VI - Investimentos reais	3.445	1.551	-55,0
Cap. VII - Transferencias de capital	75	0	-100,0
Total	4.680	3.551	-24,1

(Orzamento 2011 homoxeneizado) (Miles de Euros)

06 XURADO DE EXPROPIACIÓN FORZOSA	2011	2012	% Var.
Cap. I - Gastos de persoal	568	636	11,9
Cap. II - Gastos en bens correntes e servizos	187	187	-0,1
Cap. VI - Investimentos reais	207	216	4,3
Total	963	1.039	7,9

(Orzamento 2011 homoxeneizado) (Miles de Euros)

83 INSTITUTO GALEGO DA VIVENDA E SOLO	2011	2012	% Var.
Cap. I - Gastos de persoal	10.300	10.300	0,0
Cap. II - Gastos en bens correntes e servizos	2.788	2.790	0,1
Cap. IV - Transferencias correntes	12.843	11.381	-11,4
Cap. VI - Investimentos reais	36.983	38.492	4,1
Cap. VII - Transferencias de capital	37.393	28.897	-22,7
Cap. VIII - Activos financeiros	5.525	1.225	-77,8
Total	105.832	93.084	-12,0

(Orçamento 2011 homoxeneizado) (Miles de Euros)

A1 AXENCIA GALEGA DE INFRAESTRUTURAS	2011	2012	% Var.
Cap. I - Gastos de persoal	13.317	13.291	-0,2
Cap. II - Gastos en bens correntes e servizos	1.036	1.036	0,0
Cap. III - Gastos financeiros	210	210	0,0
Cap. IV - Transferencias correntes	6.864	7.422	8,1
Cap. VI - Investimentos reais	265.444	251.035	-5,4
Cap. VII - Transferencias de capital	14.027	10.460	-25,4
Total	300.898	283.454	-5,8

(Orçamento 2011 homoxeneizado) (Miles de Euros)

SERVIZOS	2011	2012	% Var.
01 SECRETARÍA XERAL TECNICA	96.804	73.220	-24,4
02 S.X. DE ORDENACIÓN DO TERRITORIO E URB.	23.530	20.876	-11,3
03 S.X DE CALIDADE E AVALIACIÓN AMBIENTAL	24.704	27.072	9,6
04 D.X. DE MOBILIDADE	21.816	16.690	-23,5
05 D.X. DE SOSTIBILIDADE E PAISAXE	4.680	3.551	-24,1
06 XURADO DE EXPROPIACIÓN FORZOSA	963	1.039	7,9
83 INSTITUTO GALEGO DA VIVENDA E SOLO	105.832	93.084	-12,0
A1 AXENCIA GALEGA DE INFRAESTRUTURAS	300.898	283.454	-5,8
Total	579.227	518.986	-10,4

(Orçamento 2011 homoxeneizado) (Miles de Euros)

Consellería, Organismos Autónomos, Entidades públicas instrumentais de consulta ou asesoramento e Axencias Públicas Autonómicas

	Consellería		00.AA , EE.CC.AA. e Axencias		Trans. Internas		Consolidado	
	2011	2012	2011	2012	2011	2012	2011	2012
Cap. I - Gastos de persoal	18.588	19.932	23.616	23.591	0	0	42.204	43.523
Cap. II - Gastos en bens correntes e servizos	2.499	2.446	3.823	3.825	0	0	6.322	6.271
Cap. III - Gastos financeiros	0	0	210	210	0	0	210	210
Cap. IV - Transferencias correntes	50.297	43.597	19.707	18.803	34.092	32.101	35.912	30.299
OPERACIÓNS CORRENTES	71.384	65.975	47.357	46.430	34.092	32.101	84.649	80.303
Cap. VI - Investimentos reais	34.385	31.146	302.427	289.527	0	0	336.812	320.673
Cap. VII - Transferencias de capital	434.273	377.527	51.420	39.357	333.452	300.099	152.241	116.785
Cap. VIII - Activos financeiros	0	0	5.525	1.225	0	0	5.525	1.225
OPERACIÓNS DE CAPITAL	468.658	408.673	359.372	330.109	333.452	300.099	494.578	438.683
Total	540.042	474.647	406.729	376.538	367.545	332.200	579.227	518.986

(Orzamento 2011 homoxeneizado) (Miles de Euros)

Medios Persoais

Medio Ambiente , Territorio e Infraestruturas	2012
Altos Cargos	8
Persoal Funcionario	517
Subgrupo A1	198
Subgrupo A2	70
Subgrupo C1	118
Subgrupo C2	107
Agrupacións profesionais	24
Persoal Laboral	74
Grupo I	16
Grupo II	1
Grupo III	25
Grupo IV	22
Grupo V	10
TOTAL	599

Medios Personais

Instituto Galego da Vivenda e Solo	2012
Altos Cargos	2
Persoal Funcionario	272
Subgrupo A1	53
Subgrupo A2	73
Subgrupo C1	63
Subgrupo C2	69
Agrupacións profesionais	14
Persoal Laboral	15
Grupo II	3
Grupo IV	12
TOTAL	289

Medios Personais

Axencia Galega de Infraestruturas	2012
Altos Cargos	1
Persoal Funcionario	159
Subgrupo A1	51
Subgrupo A2	35
Subgrupo C1	38
Subgrupo C2	31
Agrupacións profesionais	4
Persoal Laboral	281
Grupo I	5
Grupo III	122
Grupo IV	153
Grupo V	1
TOTAL	441

**Entidades Públicas Empresariais, Consorcios, Sociedades Mercantís e
Fundacións do Sector Público Autonómico**

	2012	
Entidades públicas empresariais	Capital	Explotación
Augas de Galicia	95.610	10.826
Consorcios autonómicos	Gastos	Ingresos
Axencia para a Legadidade urbanística	4.153	4.153
Centro de Ext. Univ. e Divulg. Amb. de Galicia	440	440
Sociedades mercantís públicas autonómicas	Capital	Explotación
Soc. Pública de Investimentos de Galicia	189.315	19.697
Soc. Galega de Medio Ambiente, S.A.	11.499	103.738
Xestión Urbanística de A Coruña, S.A.	48.285	12.888
Xestión Urbanística de Lugo, S.A.	19.746	1.700
Xestión Urbanística de Ourense, S.A.	11.188	2.571
Xestión Urbanística de Pontevedra, S.A.	19.184	3.492

(Miles de Euros)

